


曾文正公著述八種

第五冊

(詩集)



大達圖書供應社刊行

新式標點 曾文正公詩集目次

四言

題楊忠愍公二疏手草……………一
 題易公筠亭遺像……………一

五古

雜詩九首……………一
 里胥……………三
 送吳榮楷之官浙江三首……………三
 題錢崙仙同年慈竹平安圖二首……………四
 寄懷劉孟容……………五
 題周小邨前輩塞外課經圖……………五
 地用莫如馬二章思賢也……………六
 題龍九時……………六
 贈李生……………六



曾文正公詩集 目次

西征一首呈李石梧前輩……………七

留侯廟……………七

柴關嶺雪……………八

廢邱關……………八

岱雲同年喪妻爲此詩譬之……………八

寄弟……………九

乙巳春闈謝戴醇士前輩畫竹……………九

請醇士前輩畫竹歸貽樹堂題詩一首……………九

又贈筠仙一幅……………一〇

送王子壽荊州五首以高步追許由爲韻……………一〇

送陳岱雲出守吉安……………一〇

丙午正月二日作……………一一

題篋谷圖……………一二

送王孝鳳之雲南卽題其尊人松菊圖……………一二

題錢崙仙聽燭修書圖……………一二

題孫君采芝圖二首	一三	送黃恕皆使秦中	二〇
訓陳慶覃侍御	一三	北堂侍膳圖爲姚吏部題二首	二〇
小池	一三	題陳氏五世鄉賢遺像	二一
茲晨	一四	韓齋爲孔舍人題	二一
失題	一四	桐蔭消暑圖爲史吏部題	二一
題泛海圖	一四	題苗先麓寒鐙訂韻圖	二二
秋懷詩五首	一四	養閒草堂圖爲潘博士題	二二
訓薛曉颿	一五	陶太常小像	二二
送舒伯魯	一五	會合詩一首贈劉孟容郭伯琛	二三
劉叟詩	一六	王母方太夫人詩	二三
送莫友芝	一六	贈李眉生	二四
題彭旭詩集後卽送其南歸二首	一七	題俞蔭甫羣經平議諸子平議後	二四
丁未六月廿一爲歐陽公生日集邵二寓齋分韻	一七	謝王王秋徐州見贈之作	二五
得是字	一七	附伎求詩二首	二五
送黎樾喬待御南歸五首	一八		
題季仙九師采蘭菽菊圖	一九		
題朱伯韓詩集後十首	一九		

七言古

謝疊山賣卜研爲劉太守題

二六

送凌九歸	二七	韻	三五
送楊春皆歸	二七	題明陳忠愍公雪聲堂硯爲唐觀察樹義作	三五
題毛西垣詩集後即送之歸巴陵五首	二七	題醇士前輩爲演生師畫竹壘前韻	三六
題顧南雅先生畫梅應何子貞	二八	訓岷樵	三六
傲奴	二九	移居偶成	三七
瑣瑣行戲簡何子敬乞醃菜	二九	陳慶覃鈔詩題辭三首	三七
反長歌行	二九	鵝紅詩課戲題一詩於後	三八
題畫蘭三首應田敬堂同年	三〇	書朱臬亭家傳後	三八
贈何子貞前輩	三〇	送周文泉大令之官城武	三九
題唐鏡海先生二圖	三一	送凌十一歸長沙五首	三九
感春六首	三一	送謝果堂前輩歸江南	四〇
爲何大令題明趙忠毅公鐵如意	三三	題王少鶴藝砧課讀圖	四一
喜筠仙至即題其詩集後	三三	丙午初冬寓居報國寺賦詩五首	四一
六月二十八日大雨馮君樹堂周君苕農郭君筠	三四	訓李生三首	四二
仙方以軾事困於場屋念此殆非所堪詩以調	三四	次韻戴醇士邵蕙西見過	四二
之	三四	題平谷山莊圖	四三
苕農旣和余詩而三子者皆見錄於有司乃復次	三四	題王麓屏扁舟歸養圖二首	四三

書嚴太守大關賑糶詩後……………四三

送黎樾喬侍御南歸……………四四

題張石舟煙雨歸耕圖……………四四

太學石鼓歌……………四五

題朱伯韓侍御之尊人詩卷手蹟……………四五

題簪箕谷圖……………四六

答李生……………四六

題唐本說文木部應莫邵亭孝廉……………四七

贈吳南屏……………四七

游金山觀東坡玉帶詩……………四八

五律

早起憶九弟二首……………四九

得郭筠仙書並詩卻寄六首……………四九

寄弟三首……………四九

獨出……………五〇

訪苗先麓……………五〇

懷劉蓉……………五〇

歲暮雜感十首……………五〇

桂湖五首……………五一

至日二首……………五一

雨……………五一

送吳英樾之官浙江兼簡魏黃生大令三首……………五一

送鄧伯昭兼簡寡伯醇秀才三首……………五二

暮過竹如……………五二

東鄰杜氏義塾……………五三

送王少鶴……………五三

送金竺虔之官閩中……………五三

七律

歲暮雜感十首……………五四

寄郭筠仙浙江四首……………五五

三十二初度次日書懷……………五六

憶弟二首……………五六

漫興	五六	失題四首	六一
聞客話里中近事	五六	丁未六月七日考試漢教習試院作一首	六三
元戎	五七	武會試閣中作	六一
溫甫讀書城南寄示二首	五七	送孫芝房使貴州二首	六三
早發沔縣遇雨	五七	書邊叟石詩集後二首	六三
初入四川境喜晴	五七	送梅伯言歸金陵三首	六三
梓潼道中有懷馮樹堂陳岱雲	五八	訓李莘仙二首	六四
早發武連驛憶弟	五八	次韻何廉昉太守感懷述事十六首	六四
三十三生日三首	五八	讀吳南屏送毛西垣之卽墨長歌卽題其集	六六
國士橋	五九		
哭少時同學某	五九	五絕	
送妹夫王五歸五首	五九	讀李義山詩集	六七
訓九弟四首	六〇		
贈梅伯言一首	六〇	七絕	
夜直苦寒	六一	入陝西境六絕句	六七
吳宮黃病中屬市鹿尾	六一	題畫竹次醇士前輩韻二首	六七
臘八日夜直	六一	送唐鏡海先生九首	六八

曾文正公詩集 目次

壬戌四月沅弟克復巢縣和州含山等城賦詩四首.....

六八

沅甫弟四十一初度.....六九

新式
標點
曾文正公詩集

四言

題楊忠愍公二疏手草

古孰無死，曾不可班。輕者毛鴻，重者泰山。楊公正氣，充塞兩間。遺文妙墨，深播人寰。馬市一疏，聲振薄海。更擊賊臣，五奸十罪。心追逢比，身甘菹醢。取義須臾，歸順千載。翻翻諫草，猶存手稿。古柏擎空，似枯彌好。鬱此英風，輔以文藻。長有白虹，燭茲環寶。

題易公筠亭遺像

昔歲在丑，詰人西遊。我作挽辭，比許文休。馬磨既甘，不競不絀。亦有月旦，胸剖九流。東崖奉親，朝戲綵舞。暮歸讀書，羣言藻斧。鄉閭屢試，譽無完桐。文章愜命，淚灑秋風。不於其躬，迺祚其子。濯濯芳蘭，芥拾青紫。弓冶不墮，載述先芬。瞻言遺像，永播青塵。

五古

雜詩九首



早歲事鉛槧，傲兀追前軌。張網掣鰓維，登山追岌岌。述作窺韓愈，功名鄰韓偓。三公涉如梯，萬金腕如屣。腸胃鬱千奇，不敢矜爪觜。稍待蘭薰滋，烈芬行可喜。豈期擗鴛駟，前驅不踧踖。滔滔大江流，年光激若矢。春秋三十一，頑然亦如此。染絲不成章，楛遷化爲枳。壯盛百無能，老蒼真可恥。

樽散吾所甘，多是慚毛裏。西山何鬱鬱，白日馳昭昭。六街淨如練，雙闕凌神霄。沈沈府中居，員弁鏤瓊瑤。累惡周四角，窗霧漾蛟綃。公子盛文藻，九陌鳴金鑪。羣從缺成轡，掠風馬蹶驕。紅燭舞絳雪，會宴皆金貂。朝餐羅鯖鯉，晚衙沸笙簫。今夕旣相醉，明日還見招。天高地則厚，何事不逍遙。

手斲不烘燻，足駢不趨徑。問我何自苦，我歌君且聽。激湍無駐波，止水光凝凝。榱棟與楹櫺，豈曰非天定。東菴代虹梁，於道未爲稱。朝菌濃濡露，天夭不及瞑。適意一須臾，骨朽猶詬病。可憐繁華子，醉夢幾時醒。炫妝豈無服，自媒羞妾媵。已矣吾何營，閉戶覽明鏡。

傷禽悲弦聲，遊魚驚月影。丈夫貴倔強，女子多虛警。強弧有時弛，夷塗有時梗。颶風揚海濤，潮平已復靜。君子別有憂，衆人恐未省！

霜落萬瓦寒，天高月浩浩。美人在何許，相思心如擣。我昔觀美人，對面如蓬島。神光薄軒墀，朱霞薄初曉。彩鳳儀丹霄，顧視無凡鳥。意密恩還疏，微誠不敢道。貽我彤管煒，粲兮希世寶。可憐金屋恩，長門闕秋草。謠詠日以多，朝閱曾不少。籠眷難再得，蛾眉行衰老。區區抱私愛，夜夜祝蒼昊。

天鷄鳴半夜，六合未清曉。烏鵲鳴向晨，羽毛誇矯矯。一旦金丸驚，戢翼暗百鳥。鳴鴉流惡聲，萬方愛集藜。青蠅鳴棘樊，繆彰復虛蟲。閒鳴百無補，嗟爾秦吉了。蝮蝮草間鳴，亂人徒擾擾。

入門忽怳怳，出門復皇皇。嗟我素心人，各在天一方。庸夫厭鼎食，誼士謀糟糠。奔走徧天下，歸去仍空囊。秋老

江湖闊，何以慰淒涼！勿勞我之思，我今足稻粱。所憂非所職，所樂殊未央。日暮登高邱，四顧何茫茫！落葉東南飛，孤雁西北翔。思君不得覯，慘澹詠斯章。

松柏鬢危巖，葛藟相駒帶。兄弟非它人，患難亦相賴。行酒烹肥羊，嘉賓填門外。喪亂一以聞，寂寞何人會？維鳥有鷄鷄，維獸有狼狽。兄弟審無猜，外侮將予奈。願爲同岑石，無爲水潮水。下急不可磯，石豎猶可礎。誰謂百年長，倉皇已老大。我邁而斯征，幸勤共蠱糲。來世安可期？今生勿玩愒。

誰能烹雋燕，我願燎桑薪。誰能釣巨鼈，我願理其綸。南澗筆蘋藻，可以羞鬼神。大材與小辨，相須會有因。嗟余不足役，豈謂時無人？

里胥

牛羊忽竄突，郗社雜喧騰。昨聞府牒下，今見里胥來。「召募赴戎行，羽檄馳如雷。後期不汝宥，行矣胡遲迴？」老嫗捶胸哭，哭聲亦何哀。「龍鍾六十餘，伶仃惟一兒。弱小不識事，黃犢母之隨。筋力儘可食，或免一家飢。薄命不足惜，兒去傷永離。」老嫗泣未闌，老翁跪致辭。「王事亦云棘，婦人那得知？螻蟻穴寸土，自荷皇天慈。天威有震疊，小人敢疑猜。貧者當敵愾，富者當輸財。便當遣兒去，不勞火急催。所媿無酒食，與吏佐晨炊。」貧者勉自效，富者更可悲。隸卒突兀至，誅求百不支。舊舊執袴子，纍纍飽鞭笞。前卒貪如狼，後隊健如羆。應募幸脫免，傾蕩無餘貲。吁嗟朝廷意，兵以衛民爲。守令慎其柄，無使胥吏持。此輩如狐鼠，藜藜肆恣睢。聊爲適人徇，敢告良有司。

送吳榮楷之官浙江三首

讀書三十年，今來始一試。自抱輪囷材，搆厦隨所置。世人苦寒儉，舞裏先擇地。斤削不能遷，罍盎各自器。君子儲百用，多藏如列肆。深厲與淺揭，所向皆如志。君本青雲士，摩空排健翅。置之承明廬，枚馬當假轍。才多厭閒散，翩然去作吏。方今清華秩，駢拇僅云備。不如膺專城，弛張從吾意。觀魚莫結網，網過酷於餌。治絲莫求多，緒多亂神智。聖朝淪治恩，陬澨實漸被。可憐蚩蚩氓，惛惛還好義。願君愷弟思，隨時勞撫字。

西湖吾未到，夢想若遇之。荷花夏如海，當春萬柳垂。秋月隨潮湧，暮霽天無涯。三百六十寺，嵐翠渺迷離。君去事幽討，抉剔發天倪。餘慳收昔遺，奇賞獲新知。朝餐吸山綠，暮雨張水嬉。尋碑嗅梅藥，獨往無人隨。政成無一事，風流方在茲。懷抱一如彼，江山復如斯。此藥可持贈，寄我千首詩。

鄉閭昔相從，殷勤託詩酒。再來長安道，舟車並攜手。如今彌曠遠，脫然絕窠臼。少年尙意氣，崢嶸各自狃。風塵飽所語，蒼然皆老醜。激湍亦已平，真氣充戶牖。相見無藩籬，灑落真吾友。昨夜秋風來，嫋嫋涼生柳。念子當乖離，旁皇如失守。萬族各有營，歡聚焉可久。意趣苟無違，秦越如左右。後會知何年，今茲歲在丑。

題錢崙仙同年慈竹平安圖二首

冉冉南山竹，柯葉互檀欒。上有一片雲，下有九畹蘭。清風相戛擊，虛碧鳴秋寒。玲瓏走鞭散，抗衡勁節干。養成南雛鳳，文彩何珊珊。高技足棲宿，芳實供朝餐。歸昌忽采律，言振九霄翰。引吭發鉤奏，俯視失鷓鴣。鄙麗質靈谷，依舊青琅玕。年年託美蔭，年年祝平安。

紅塵夜日深，遊子思無已。倦鳥有時還，桑弧有時植。我有山中廬，樞籬夾綠水。修竹倚大椿，重重互蟠條。發耀幽芳蕤，清陰亦何美。依戀會有因，庶往恭桑梓。殷勤寸草心，區區方在此。

寄懷劉孟容

清晨采黃鞠，薄暮不盈襜。甯知弟昆好，忍此四年別。四年亦云已，萬事安可說。昔者初結交，與世固殊轍。垂頭對燈火，一心相媚悅。炯然急難情，熒熒光不滅。漣瀾一揮手，南北音塵絕。君臥湘水湄，辟人苦局鑷。懷璧誤一投，已遭官長別。我作燕山囚，衾襪冷如鐵。塵土塞中腸，經旬間滙泄。夢魂互往還，邂逅在嶢嶮。君魂畏豺虎，我魂阻蛇蠍。明年會長沙，對牀殊唼唼。可憐郭生賢，日夜依我闔。三子展殷勤，五旬恣猖獗。自從有兩儀，無此好日月。決渠東西流，人事有蹉跌。當時別江干，懸知成久闊。郭生從我行，再踏長安雪。束蒿貢廊廟，塗丹強作闕。磐松困澗底，千歲老不屈。行藏一以歧，會合焉可必。知君障汚塵，憎我逐煩熱。摧蘭擣作醬，本馨固難奪。皇天造羣倫，位置各成列。煌煌帝者都，峨峨集動閤。前庭充組圭，後閣煖清瑟。大馬疾如飛，萬事如電掣。陋巷時騎過，牆震窗紙裂。而我支肘眠，臆臆兀頑劣。視蔭呼晚飯，終年曾不缺。癡兒亦肯堂，四齡已饜餐。所愧儉太倉，無異哀窮乞。羨君老巖阿，閒味甘於蜜。嗟哉趣豈殊，所處良不一。坦蕩觀皇途，轉側思我室。永懷素心人，悠悠難具述。

題周小邨前輩塞外課經圖

肉食多亨途，通儒選百閱。時蹇心匪乖，身窮道未寤。周君信奇倅，天機苦捷敏。昔歲乘青驄，羣飛畏秋隼。偶被金丸驚，可憐翠羽隕。十年遼海行，九月邊風緊。銅雀夢瓠稜，鐵衣錦續純。自信茲遊豪，甘受世人哂。日日抱叢書，森森如束筍。吾道儻欲東，獨善良不忍。此邦盛球琳，多士紛籛菌。斧斤試一施，穀率聊可引。弟子初反車，先生大對困。文囿張百旂，經畚接千畛。但期道傳薪，未要歸載稱。昨者唱刀環，塞外回文軫。勝事告友朋，餘味足咀吮。方

今柄師儒，華秩半卿尹，虎觀車如龍，辟雍市如廛。會看招旌旆，且須嚴鞵躬。稽古榮復榮，吾言非蕞蕞。

地用莫如馬一章思賢也

地用莫如馬，越險思驍騰。豈無汗血種，相求亮未會？萬鍾繼粟粟，千金罄鈎膺。隆儀苟一闕，麒麟休漫稱！人用莫如龜，幽宿能廢燭。告猶儻見從，外侮敢余毒。從短翻棄長，惜哉支牀足。良無藻稅登，不如塗泥辱。

題龍九詩

李唐刻聲律，初響鑿華鐘；逮及下衰時，切切鳴寒蟲。扶輿發朝氣，百彙躍鱗龍；缺月夜騰光，不與東昇同。秋霜入科木，色黯蒿與蓬。文章說心腑，本不從窳隆；能者自植立，餘子靡隨風。孰於衆音颯，玉振開羣鸞；君才美無度，大圭宜廟中；君詩如春融，秋爽亦自工。肉好用爲賢，豫刻生芒鋒；南軺斐然作，山水滌襟胸。雜什多未筆，略可芟麗茸；要道鏤不舍，金木隨所攻。且沉力肯窮，與阡辨西東；終然到聖處，今古誰雌雄。

贈李生

生名嗣元，是科四川十九名，余在闈中最賞其文，揭曉來謁，則神清似郭筠仙，愈傾愛之。看書亦不少，真美才也。年廿二歲，因作古風一首贈之云。

岷山萬仞雪，太古人迹稀；中有窈窕谷，綠蕙芳以菲。幽芬亦已鬱，賞識方庶幾；澗邊棘荆滿，山上春草肥。託根亮同地，豈辨誰是非？地亦不能易，香亦不能飛。忽逢荷樵子，采擷盈裳衣。臨行再三嗅，俯仰情依依；由來有臭味，

不必崇知希。

西征一首呈李石梧前輩

我昨賦西征，燼燼實朱夏。烈日焚八荒，息影無寸暇。孱體甘所侵，炎威肯少借。一病罹百艱，煩煎竟日夜。夙昔傷勁弓，聞弦神已怕。壹志事呻吟，魯儀任嘲罵。瘡痍難指名，熱寒互嬾謝。粒食經旬辭，况能問燔炙。帶月方首塗，參橫未云罷。顛簸笏與中，磋磨破腰胯。奴子蒼黃詢，庸醫再三詫。猛然肆造攻，云當一戰霸。惡莠雖已鋤，良苗亦失稼。隔旦嗜其疲，無復平生吃。皮皺面有窪，耳聾氣愈下。慘澹過潼關，沈昏渡清灞。赫赫李中丞，觥觥范韓亞。老熊臥三邊，犬羊敢狙詐。聞我至驪山，材官百里迓。秋青長安邸，征鞍庶一卸。旅魄頗飄搖，公來百慰藉。遣僕炊香粳，呼僮伺館舍。徵醫未辭頻，饋物不論價。古誼暖於春，美言甘於蔗。我魂稍稍旋，望蜀仍命駕。裘藥充篋筐，買貽養嬰好。漸覺身能輕，如馬脫韁靶。吾固慶生存，衆雖亦嗟訝。燕譽多親知，艱難少姻婭。永媿夫子賢，高情歷嵩華。賤子不足矜，西人實沾化。

留侯廟

小智徇聲榮，達人志江海。咄咄張子房，身名大自在。信美齊與梁，幾人飽截醢。留邑茲巖疆，亮無懷璧憂。國仇亦已償，不退當何待。鬱鬱紫柏山，英風渺千載。遺蹤今則無，仙者豈予給。揭來瞻廟庭，萬山雪皚皚。赤日展中生，照耀金銀彩。亦欲從之遊，惜哉吾嬾怠。

柴關嶺雪

曾文正公詩集

我行度柴關，山光驚我馬。密雪方未闌，飛花浩如瀉。萬嶺堆水銀，乾坤一大冶。走獸交橫奔，凍禽竄荒野。揮手舞巖巔，吾生此瀟灑。忽憶少年時，牽狗從獵者。射虎屠冰中，窮追絕壁下。幾歲馳虛名，業多用逾寡。久逸筋力頽，回頭淚盈把。

廢邱關

項王西入關，叱咤何雄哉！鼻息撼山岳，號令如轟雷。分茅割大地，駕馭英雄才。六王既立後，三將還西來。降臣剖符竹，洪度方洞開。廢邱亦善地，百里關蒿萊。桓桓章將軍，飽飽貔虎材。奸豎主帷幄，大將終疑猜。望夷不足惜，此類良可哀。行人一長歎，萬壑悲風迴。

岱雲同年喪妻爲此詩譬之

陳君喪厥妃，善愛世無有。情至生幻機，有夢造王母。紫殿何言言，衆星挂戶牖。穆滿翔其旁，方朔戲其後。陳某織蠶臣，昧死訴左右。彼有何德功，鵝鷄到白首。此獨何罪辜，生世不少久。剜肉補其天，於德未爲醜。食貧八九年，辛勤足梁筍。何孽之難追，斬刈如惡莠。王母返袂泣，倉皇頗怩忸。方朔踉蹌出，曰余不執咎。衆生自生滅，非神有官守。高秋金氣肅，萬葉同衰朽。朝落非獨殤，夕脫非獨壽。皇天了不知，無人司薄厚。不見狼瞞女，蓬頭雙足垢。一生不洗左，媚夫稱佳偶。亦有綠林豪，掠人如雞狗。堂前妖姬舞，堂下鬼妾走。彼雖得借老，於君意可否。此雖中道捐，名聲極萬口。令妻果然令，何必在駭者。惡妻不可言，牀笫森械杻。陳君翻然覺，再拜謝善誘。歡喜不復愁，逢人但索酒。

寄弟

昔我初去家，諸弟各弱小。阿季髡兩髦，覩人眸子瞭。後園儻棗栗，深升極木杪。叔也從之求，揖我謂我矯。分甘一不均，戰爭在毫秒。余時輕別離，昂頭信一掉。老弟沉童駭，樂多憂愁少。瞥然成六秩，光陰如過鳥。世味一飽嘗，甘心厭荼蓼。夢裏還鄉國，溝涂苦了了。朝企恆抵昏，夕思或達曉。君詩忽見慰，迴此肝腸繞。生世非一塗，處身貴深竅。衆萬奔恬愉，聖賢類悄悄。二陸盛談張，鶴悲淚江表。夷齊爭三光，豈不在餓殍。我今寄好語，君聽其勿藐。一願先知命，再願耐擗標。

乙巳春闈謝戴醇士前輩畫竹

余少淪賤，貧學書等畫塢。中歲偷太倉，誤爲金紫糾。文字雖所攻，淺嘗不能半。邇來又十年，拋棄如土炭。豈謂選佛場，謬來事襄贊。列仙盛瀛洲，腰魚何璀璨。禁院局重根，沈沈宵桂觀。鍵戶無一營，馳箋圖豪翰。蘸藍帶秋葉，斯須復堆案。衆雖亦好事，奔命極極雨汗。叢嵩聖雲孫，三絕天所歎。干謁填其廬，離門說三換。竭來困棘闈，逢人句脫腕。爲余寫新風，竹筍兀繚亂。呵壁呼老可，答案何足算。我雖不解畫，蒼古頗知岸。但得琴中趣，何必工抑按。爲報青琅玕，徵詩庶一粲。

請醇士前輩畫竹歸貽樹堂題詩一首

孔翠閉雕籠，失羣忤本性。懷我如玉人，三旬闕賓敬。老醇今鄭度，支離頗自聖。余爲揚其波，畫詩極輝映。寫此

貽君子，持將作寶鏡。筋以喻其文，幹方晚節勁。桃李漫紛紛，語君勿與競。物外求交知，塵中關幽寔。

又贈筠仙一幅

人生有乖隔，咫尺成關山。我心日百轉，從來轍石頑。曰吾語戴侯，君在張李間，爲君畫新竹，幽澹不容攀。我家雙谿上，萬竹圍沙灣。涼夜幽篁裏，月冷水潺潺。行攜子借隱，鹿豕相往還。詩名滿天地，蹤跡混榛菅。

送王子壽歸荊州五首以高步追許由爲韻

冠組墮塵海，與世日滔滔。豈知魯連子，脫身美逃逃。十輩蝸與鷲，跳跟不能高。黃鶴冥一舉，大地如秋毫。揮鞭拾科名，咄嗟踏天路。四十非不彊，萬卷非爲具。尋直如可期，須臾得少駐。側聞馮潛郎，廳盾守故步。盛年窟關輔，結客頗支離。負米半天下，有婦愁朝炊。詩名滿湖海，持是欲安之。菰中一漁笠，懷哉不可追。天人互轉旋，時勢有虎鼠。結交貴結心，甯當變寒暑。可憐拙匠斤，謬被瓌人許。一杯君強酬，無人解觴汝。皇明燭八極，小范臥西州。嗟君老從事，招招豈無舟。廢興難可道，時來不自由。投竿要強起，何代無馬周。
(王君嘗爲林少穆制軍幕府從事)

送陳岱雲出守吉安

驪駒且莫喧，我歌始一放。憶昔初逢君，漢濱俯高浪。同拾春官第，天門踞闕闕。射策干羲軒，挾神一何王。君喟我斯于，躡履星辰上。雙鳥不分飛，短翎實所傍。借屋兩頭居，嬉遊不可狀。六月寒瓜肥，嚼冰滌府藏。劈半持作鱸。

狂呼極跌宕；秋雨摧歸人，膏車各南向。長沙攝君廬，入門刪三讓；拜母升後堂，排筵倒家釀。明齡同還朝，百扶接居巷；朝餐或來過，夕渴還相訪。問學商米鹽，經綸說魚醬；驅驢駕雞棲，似狗顏苗壯。有餽例宜塵，無衣安用桁？我道夫子賢，世人或嘲謗。世人病我頑，夫子憐其誑；袍笏雖支離，貌卑心則亢。平生企高遐，力微不自量；樹繯追孔周，拯時儼葛亮。又兼韓歐技，大言足妖妄。夫子不予譏，和高越初唱。洽比三四年，爲權亦云暢。歲歲夏之中，九門盛炎瘴；君實罹其災，一病月三望。毒熱蠱外彊，客瘞兀中脹。有婦賢且勤，籲天事供養。背分苟令涼，饋進冀缺餉。剜肉補其天，有神實克相；緊我相扶持，計窮屢快快。國工吳（竹如）與鄭（小珊）調齊妙心匠，鬼錄不見收。人謀信可仗。由來福與禍，茫茫自天貺。時月無幾何，中微遽死喪。我時匍匐救，倉皇事摒擋。黃口抱呱呱，稽首別繯帳，移巢翼其兒，室毀子無恙。良人匪頑石，焉能缺悽愴；傾家營冥齋，淚河送反葬。我謂君已愚，稽經懼失當。君謂情自纏，誰超六塵障；展轉彌再期，病貧互摩盪。南望問尸甕，儲糧不盈盎；摧腸與蹙眉，萬端欲誰諒。一朝破殊恩，千憂始縱蕩。士窮守艱危，時來類放曠。爲君述前塵，在苦慎無忘。報恩不在他，立德乃可尙。丈夫要努力，無爲苦惆悵。

丙午正月二日作

踉蹌三十五，聞道其既晚；去日良已當，求程亮復遠。自從伊闕亡，大道閉元樞，有誓不譏珠，賣珠事驕蹇。微數陳豆籩，小知辨蜨蠅；迂腐譏淵菴，空疏訥商僂。前者激波瀾，後者恣鬪狠。大江日滔滔，衆人死婉婉。誰能抱孤芳，莫寥守舊碗；通經不達時，失身下豬圈。嗟予局咫聞，亦不工嗜噉；非仁不敢祖，非義豈嘗本。所學誠流俗，攀躋但分別。不挂高明眼，譏評肯少損。民各有依倚，吾甯變愚悞；文字局絨縻，經綸在房栊。浩蕩冠蓋場，一心自嘉遜。聊

用陳區區夢魂庶謚穩。

題箕谷圖

大雅卽高詠，耽隱青山岑。手折箕管枝，鏗爲琅玕音。松風石壁高，箐霧林霏深。幽幽人不知，獨鶴明孤心。

送王孝鳳之雲南卽題其尊人松菊圖

累世無咨繇，冤民塞九縣。數罟危衆魚，吞舟不加讎。王叟邦之良，溫恭少側弁。獄吏一牽連，秋毫忤雷電。田中時見陵，馬遷莫相援。盆底無昊天，荷戈出摩甸。萬里滯蠻道，征人淚如霰。廿載餐甕糜，曲無故時線。回首望家山，柴桑信所戀。老松儻無恙，叢菊向誰綰。有子鏗華鐘，蜚聲震金殿。武庫羅其胸，干將思一剗。誓上緹縈書，不乘長卿傳。一麾首滇南，征心已如箭。預思王坦之，初覲懷祖面。抱持至膝上，悲喜集一見。萬事如浮雲，滄海日千變。獨有骨肉離，重逢真可羨。明歲唱刀環，懽聲若雷怱。歸食武昌魚，比鄰張高宴。風詔喧里閭，純孝迴天眷。不學朱壽昌，徒登獨行傳。

題錢崙仙齋燭修書圖

腐叟苦塵漚，千載無完史。斷代自班生，餓爛破大體。茂先賞三志，編摩或索米。舊書留覺瓊，但爲吳生詆。數賢不足珍，餘外况靡靡。聖代盛文章，羣英躡前軌。股鑿彙成編，唐經今繼美。磊磊南董倫，影纓足儻纓。錢子邦之良，弱冠擢金紫。涇渭原胸中，袞袞極筆底。朝踏東華路，柴車等收屣。夜歸南窗下，椽燭照大几。一字褒幽潛，片言殲

窳尻曲直在豪端，誰能矜爪觜。我亦載筆臣，大器久復弛。三載廢官錢，飯塵亦莫洗。披圖聊粲然，作詩一酒恥。

題孫君采芝圖二首

孫君名葆恬，字邵吾，善化人。嘉慶己卯舉人。道光六年以大挑選桃源縣學教諭。芝房侍講之父也。

衆羽工飛翥，先生獨摧挫。十載桃花源，寒髭屢告破。古木發深彈，從來拒俗和。采蕨矚殷頑，餐英補楚些。自攝三秀芝，窮年振寒餓。豈謂人事乖，悠悠卽長臥。掇莫求長生，無靈欲誰那。長是拜畫圖，千秋聆咳唾。

少室吾黨英，儲能實完好。韶齒殊不廉，閒偷仙人棗。航海探琪花，躡躡踏三島。根本良已深，衆芳信在抱。言采幽蘭歸，種作階前草。上有竹修修，下有清風掃。竹節寒逾堅，貞心永難老。風暖扇餘馨，繁香滿穹昊。

訓陳慶覃侍御

赤水沈元珠，千年遲象罔。君子迴深眷，翻然辱旌獎。馬走那解詩，駒章事鹵莽。秋蟬挂高柳，風過自成響。豈意師曠聰，偏聽發謬賞。維君堅高壘，無人敢掉鞅。筆端一縷香，百靈通胎響。方今隆棟穹，伊巫擁天仗。巢窟無闕遺，無處著罅彊。以茲得雍容，閒吟寄慨慷。有書亦盈牀，沾有亦盈盎。六宇自冥冥，湫塵莫予網。請君拊鑿石，子亦擊堯壤。

小池

屋後一枯池，夜雨生波瀾。勿言一勺水，會有蛟龍蟠。物理無定資，須臾變衆竅。男兒未蓋棺，進取誰能料？

茲晨

茲晨曷不樂？端念良自尤。自吾有爪觜，半啄匪躬謀。俯視見后土，仰視見光浮。關門赫婢僕，雄長如諸侯。專精事羹飯，餘政及乾餼。兵後物力絀，平世生齒稠。人人似我飽，實重黃屋憂。吾皇惕味爽，彼相爭前籌。聖者自危厲，愚者自優游。大哉六合內，人類難等儔。

失題

西山一夜雨，秋氣入庭除。清晨展書坐，儵然樂有餘。天宇一何廓？蕩蕩真吾廬。熯熯夸毗子，守隘無曠居。衆鱗爭坳潦，鬣鬣安得舒。豈知逃閒寂，故蕩得尾閭。吾樂正如此，君樂復何如？

題泛海圖

昔我權瓜州，金焦望嶮巖。靈山咫尺間，不得窮巖嶮。還家述遊蹤，高堂一笑莞。江湖險可吁，泛海沉母巖。撫摩慰驚魂，輟脚呼盤瓊。由來慈母心，險夷最所揀。孝廉本儒衣，文章富編刻。胡爲涉遐思，浮海窮覘鸞。有不足慈悲，奉佛信慙惘。其道洛伽巖，實惟仙藥產。神人渡迷津，福汝能簡簡。虔禱或有憑，孝思本無限。圖此塞寸誠，心靈聊結撰。何知妄與真，雲濤紛瀟眼。

秋懷詩五首

木葉下如雨，西風吹我衣。天地氣一肅，回頭萬事非。虛舟無抵忤，恩怨召殺機。年年絆物累，俯仰鄰詬譏。終然學黃鶴，浩蕩滄溟飛。

蟋蟀吟西軒，商聲方茲始。小人快一鳴，得時亦如此。大澤藏蟄龍，嚴冬臥不起。明歲澤九州，功成返湫底。吾道惡多言，喧囂空復爾。

吾愛邵夫子，（謂仁和邵懿辰）古之三益者。鑿鑿攻我瑕，不隨世人哂。薄俗尊文章，吾亦事苟且。赫赫揚子雲，末途裂於瓦。再拜謝濼人，斤斧行可捨。

城頭昨宵月，今夕虧其圓。丈夫矜小節，一缺誰復全。全蝸虛抱奇景，高視羲皇前。蒼蠅斲尺璧，江漢難洗濁。馬融頌西第，今爲時所憐。

吾友劉孟容，造我兩好書。三年不報答，幽怨今何如？深山閱大寶，光氣塞州閭。樊英履壇席，名業箕斗虛。補天儻無術，不如且荷鋤。

訓薛曉颿

大谷幽幽蘭，由來習霜雪。摧挫彌歲年，葳蕤減昔悅。本性誠未移，芬芳詎可滅？時物一爲遭，適爲吳人搨。會合亦有宜，慶興固難說。旁有荷樵子，殷勤事寒拙。出山嗅懷裏，餘馨亦未輟。臭味良有然，非渠獨明哲。

風騷難可熄，推激惟建安。參軍信能事，聲裂才亦殫。寂寞杜陵老，苦爲憂患干。上承柔澹思，下啓碧海瀾。茫茫望前哲，自立良獨難。君今抱古調，傾情爲我彈。虛名播九野，內美常不完。相期蓄令德，各護凌風翰。

送舒伯魯

神駒乘清峻，墮地凌無前。男兒志萬里，亦在華妙年。舒生吾楚儁，結髮渡丹鉛。內外承嘉蔭，託根魁斗躔。迎婦范陽府，結客彌幽燕。遂來窟京蓋，滿月響鳴弦。謂言拾高第，如掇牀頭錢。人事有奇偶，虎鼠非吾權。文章不嫵媚，例爲時世捐。芝蘭合鋤刈，朝菌香徹天。可憐壯夫志，摧撼終不還。時時造我闥，屏虛商詩篇。高吟動厚地，幽思繼重淵。維桑古有敬，况此接才賢。昨來忽告別，歸意何翩翩。寢門疏定省，肯爲世網牽。一鳴不稱意，脫去如鷹鷂。趙孟等閒事，難者參與焉。馬走盡此間，歲月遂風顛。謀歸百不勇，送女聊自鑄。

劉叟詩

新甯江君忠源，予之執友也。數爲予稱其邑孝子劉夢者。道光丁未，夢年齒六十，江君求予以詩揚其行，爲老人光悅。且以風里人。夫甄采畸德，作獨行傳之，長編史氏之。任也。嘉善而懲不能，勸一而勵百，亦士大夫有風俗之責者事也。故爲之詩歌，遠貽劉夢。窆名某，字某，實縣學生。

金峯萬山曉，劉夢巢山椒。邦人所賓禮，與山兩岩嶢。天窮苦無告，孤露初及髻。傾家樹四壁，馬磨風蕭蕭。朝餐或恥益，夕飲恆賭瓢。子衿式學省，童冠各在招。束脩斂簿少，歲穫償糶樵。上堂奉甘旨，入室馨脂膏。一噓三咻摩，一食再溫饒。蒸梨或忤志，捐斥無寬條。嬰兒抱酷愛，畢世非一朝。白日不東返，孝養隨警飄。所餘栝與橙，傍身市瓊瑤。觸時卽子卯，有蟹如春潮。仰供不知劬，俯畜安能饒。舉家浩鵝雁，妻餒兒號宵。維夢不鹵莽，長短與量料。緱箴教補裂，呼粥權霽意。鄉鄰敬其誼，百里無飛鵝。長官式其實，唾息不敢驕。噫乎血氣倫，報本義所要。人紀有乖沸，茲實懇之杓。惠迪經所訓，物理亮非遙。感歎遂成詠，庶以風鄙澆。

送莫友芝

豪英不地圍，十九輿徧邦。斬崖撥叢棘，往往逢蘭芷。黔南莫夫子，志事無匹雙。萬書薄其服，廿載幽窮鄉。今年偶作劇，射策來都堂。青鞵側破帽，日繹書賈坊。邂逅一相遇，揖我謂我咸。劉郎吾庸敬，好事迷短長。次酒藉君燠，亦用沾我腸。微瀾時激引，稍稍觀濤江。可憐好手眼，不達時溫涼。果然被捐斥，鋤刈不成芳。誰能尼歸駕，飄若驚鴻翔。我時走其廬，深語非淺商。次及蓼莪痛，老淚何浪浪。嗟念亦心性，內刺能不降。賓然拜牀下，十分肅老龐。關山有乖隔，人事不可詳。萬里共日月，肝膽各光芒。作詩勸歲暮，亦以勸劉郎。（劉郎謂茶雲）

題彭旭詩集後卽送其南歸一首

日日送歸客，情抱難爲佳。老彭復去我，內撫焉所偕。往予初遇子，睽睽無等儕。鷹眼迴高秋，勢不甘塵埃。自言困鄉國，橫被口語猜。絳侯畏牖背，田甲欺死灰。脫身求洛下，稍攝驚魂回。風波一震薄，萬事何有哉。雄篇忽枉我，峻句何崔嵬。險拔肝膽露，憂患才地開。終然達紫氣，幽獄難可埋。男兒要身在，百忤甯足摧。臨歧不知報，努力乾深杯。

大雅淪正音，沙琶實繁響。杜韓去千年，搖落吾安放。涪寥差何人，風騷通胎響。造意追無垠，琢辭辨倔彊。伸文揉作縮，直氣摧爲枉。自僕示涪公，時流忻頗嚮。汝復揚其波，扣茲疆宇廣。大道關榛蕪，中路生魍魎。屏夫阻半途，老大迷歸往。要當志千里，未宜局尋丈。古人已茫茫，來者非吾黨。並世人難勉，旃旃各慷慨。

丁未六月廿一爲歐陽公生日集邵二萬齋分韻得是字

嚙飲非吾欣，十招九步起。豈不耽羣歡，未諳諾與唯。今日飲邵侯，婆娑辨一喜。多因坐上賓，可人非俗子。梅寮

(伯言)名世姿，蕭然紅塵裏。蟬蛻三十年，萬事如脫屣。獨留文章性，真好無遷徙。頗獎歐陽公，時時挂牙齒。後者開會王，前追韓與史。自參持此論，斯文有正軌。二三邦國英，風流相依倚。持斤向老鼻，郢門欲成市。邵侯宏其波，嶂嶙見爪鬣。時作好事人，排蕩詩酒理。長安三月雨，炎威方一弛。洗竅招近局，衆賓稍填委。尙想老醉翁，茲屏實攬揆。展圖拜光儀，焚香追無始。餽饌初在嘗，良琴復動耳。跌宕宇宙間，嚶嚶亦未已。鄙人實昏頑，百非遊皆是。鹿生野性，謬來絆金紫。紛華一蕩蕩，精光半銷毀。常恐道未聞，殞身同螻蟻。苦緬六一公，終古長不死。名位匪絕人，所貴不關彼。作詩謝邵侯，梅麥並送似。

送黎樾喬侍御南歸五首

時歲善適邁，煩悵無少舒。秋色滿大地，良朋去還予。十年聚京輦，並頭相吻濡。深言洞金石，密章安綦綯。傾歡酌家釀，鐘火照狂愚。不能久依倚，脫棄如驚鷺。民生各時令，進止非人圖。物自持其末，吾自敦其初。高秋天萬里，浩蕩一春鉏。

平生秉微抱，志與詩騷親。孤音裂肝膈，劃然震乾坤。持用告庸子，舉世裏不聞。先生有妙鼻，容吾揮一斤。買妍越恆理，逐臭詫奇芬。高歌切哀玉，吹我上青雲。多譽墮盛德，雖然豈不仁。文章事微薄，在物未爲珍。秋豪較得失，老死相斷斷。從今溉根本，破硯吾欲焚。

萬歲行滔滔，後水逐前水。今古數遼官，河沙不河紀。生存勞薰天，死去飽螻蟻。達人計深長，誓不欲穢秕。差余本野性，邂逅絆金紫。尺寸無功能，高明畏神鬼。雷同漏太倉，或恐損廉恥。倦羽企歸風，余亦行休矣。篋笥鏘松泐，從君萬山裏。

逆夷昔爛漫，兵甲禦南東。殺人餉蛟鱷，大海爲之紅。君時卽我謀，雪涕向蒼穹。夜半草萬言，朝奏甘泉宮。道謀復旁干，羣策雜昭壘。聖擇有姑舍，神斷自天聰。自獻雖不效，義憤倖賈終。事往一回首，人各發舊蒙。所貴中無疚，焉計達與窮？

洞庭天下闊，清傑橫六宇。中有兩佳人，乃是淵薏伍。湖北字棠雲，南曰孟容甫。厥氏同劉宗，神明本漢祖。實惟吾友生，交期澈肺腑。乖隔漫關河，夢魂奔越苦。朝憶便成昏，夜思或達午。此士臥深山，靜氣卻豺虎。君去儻尋求，夙鯁還一吐。物外得真遊，方寸能歌舞。

題季仙九師采蘭執菊圖

靈儀耀德輝，昌期偶一造。劇羽時倦飛，丹穴仍高蹈。吾師生民傑，瑩粹邁珪瑀。文章養其原，木雞極啄菹。詩老昔采風，溟海烝英髦。聖皇谿四聰，惇樸信所勞。文軫馳西南，武庫職旛纛。夷然鎮廟堂，羣士息浮躁。秋月照琴心，忽理思歸操。東籬菊正肥，南陔蘭可采。翩然謝綦簪，巾車已復寄。小子秉孱薄，門牆備灑埽。追隨漫十年，未洗緇塵庇。稻梁逼旅懷，詩裏荒庭語。賦詩鑄此心，搖搖如植翹。

題朱伯韓詩集後十首（以「才難不其然有亦未易識」二語爲韻）

雞鳴足朝莫，陰險終不開。高秋戰寒夜，四壁轉風雷。有客投明日，驚顧非凡胎。古人亦已矣，吾猶及此才。狼莠驕復驕，桃李閔無言。堂堂魏長吏，畫齋壁上觀。丈夫有深思，出手無俗彈。恆沙閱人面，相識良獨難。明珠伏濁浪，能媚不能流。碩人力如虎，折節師溫柔。肝腸自飭懣，面目自伊優。再拜問君子，此可言詩不？

金陵昔鋪血，裂背激癘疫。事過付東風，杳杳如故時。豈非吾輩恥，痛鉅不可思。三更荷戈起，四問夜何其。東家老鼻祖，詔我三百篇。造詞如日月，萬古趨新鮮。竊人者無恥，自得斯爲賢。鄙夫目論爾，君謂然不然。吾子如春陽，照臨列枯朽。我亦無所知，我亦無所有。頗好感事詩，善歌敵臆腹。歲晚脣又乾，君須濡我酒。吾國有狂生，白眼善揮斥。（謂益陽湯鵬。）襁子賢無朋，許子曰頗亦。中途生波瀾，生死長乖隔。青山一坏土，永埋壯士魄。

桂林天下秀，生才雅且毅。有美王與龍，虎視令人畏。（謂馬平王錫振臨桂龍啓瑞。）誰道儒誤身，等閒拾富貴。平津老封侯，君今齒尙未。

甚矣吾其衰，百思今廢置。平生所好賢，支難背時利。明鏡承食漿，士將不一試。天高帝闕嚴，薦達談何易。舉世禮邱軻，貌尊非心即。草元二千年，今無一人識。思之復思之，粒粟開八極。君試騰汗漫，我當借羽翼。

送黃恕皆使秦中

登穀蜂房聚，萬人局閉牢。脫身得出走，塵鞅方一逃。黃君吾黨彥，闇默謝羣鷺。持節下關隴，太華秋氣高。西北收功實，自古產英髦。朝聖枋髮術，土室始深韜。三微臥不起，四字爛天裘。張呂去云久，餘緒猶可縲。丹穴鳳所都，累葉無凡毛。猗蘭豈不穠，所貴采擷勞。三洗人天眼，往觀大海濤。稽盡波底蚌，明月終在遭。先民有遺紹，邂逅入甌陶。歸來謝天子，亦用誇吾曹。爲已辨槃輔，與世置藥臬。

北堂侍膳圖爲姚吏部題二首

脫葉辭喬柯，迴旋依舊晚。行役有乖違，梓桑終繾綣。玆君虞舜裔，純行亞珪琬。伯瑜陳采服，下堂自婉婉。一從通朝籍，鄉關日已遠。浮雲有東西，遊子不得返。樹蘭服衆芳，誰能忘根本。爰圖聖善容，慰此深愛悃。嘉魚初在烹，新筍欲盈盞。不惜求取勞，但虞珍膳損。魏闕身事羈，南陔歸夢穩。移孝出忠勳，邂逅還補袞。

題陳氏五世鄉賢遺像

純皇撫九有，至文耀天樞。詔舉明經士，「四皓」來于予。介休薦梁參，江南顧與吳。隨公實稱首，人中見「騶虞」。峨冠長太學，魯國始一儒。洪河無近脈，崑山玉所都。三朝襲令緒，四世表其閭。緊維聖舜胄，家聲自古初。義門翕惇穆，太邱世簪裾。門風不復墜，繼踵踐天衢。金篋澤易斬，君子席詩書。瞻言禮遺像，杖几如何趨。聊表先民軌，一爲薄俗模。

韓齋爲孔舍人題

西京大雅淪，斯文日凋敗。天不喪周孔，使人續警效。韓子與中原，聖言始有賴。孤竅吐雄奇，金聲塞兩戒。時於蕙蘭室，中出蛟龍怪。迴首視齊梁，有作頗衰憊。一從茲塗關，來者方雲會。豪彥仍響臻，歐曾得兩大。聖情炳昌運，方姚實孤邁。魯參有雲孫，蒼古百無懈。齋祓奉蒸嘗，但下昌黎拜。大書榜其室，夙莫見著蔡。誰云千載遙，神理與鉞芥。混翺漫親炙，相夷等自郤。

桐蔭消暑圖爲史吏部題

炎曦灼大地，蟠蛟同烹煎。有生奔末利，擾擾不遑安。史君靜者流，置身巢窟間。綠天展珍筍，桐葉生虛寒。煮茶
激清吹，拂笛迴微瀾。客來戒不報，塵事莫相干。頗亦哀老子，佳眠未渠闌。

題苗先釐寒鐙訂韻圖

大惟久淪歇，正音委榛蕪。永明肇四聲，稍變周漢模。開皇集八士，牙礪相飾揄。夜半畫網紀，韻學茲權輿。承襲
一千載，灌莽成康衢。韓公頗好古，枉擢六經腴。放者騁遊騎，斂者如轅駒。進退失所持，不得返皇初。有宋盛文藻，
才老信狂夫。陳生興晚明，秉燭照幽墟。勝廣驅除畢，沛下風雲趨。聖清造元音，崑山一鴻儒。中天懸日月，堂堂獨
五書。上追召陵，藁千載者合符。斯文有正軌，來者何于于。江戴揚其波，段孔入其郭。苗髯最晚出，匯爲衆說都。精
思屈鬼膝，高論揖唐虞。鬻熊暖入夢，薪火耀天樞。神光不可熄，長夜一鐙孤。風雪交四壁，橫膏校殘書。人謂髯何
德，髯謂吾自娛。自我與髯友，大海禮閒鷗。時洗箏笛耳，一聽秦青謳。物外有真知，肝膈助歌歛。愛髯不忍別，作詩
寫區區。

養閒草堂圖爲潘博士題

浩浩市聲沸，塵霧如驚濤。中有澹定人，萬事渺秋毫。家世東山舊，諸謝各清高。未行濯德輝，九天一羽毛。豈謂
迴雨勁，修路滯將翔。乾坤豈不大，一笑解天猨。四時足休息，靜極思作勞。時攜桑與友，物外得佳邀。脫帽談虞夏，
生理寄濁醪。歸來對虛室，兩日淡相遭。老鶴傍人睡，羣雞正喧嘈。

陶太常小像

江波少還態，蒼宿日凋零。豈知永嘉末，吾猶及老成。乾嘉昔云盛，錢王蔚典型。傳經孟喜鄰，問字子雲亭。各奉本師說，森然啓門庭。先生時少壯，槃敦接芳馨。曾從大匠鼻，揮斧動神靈。跌宕五十載，數輩倚聲名。踏破九州莎，依舊還天廷。後生仍好事，快覩先民程。飄然好須鬢，圖此歲星精。柏寢話疇昔，緒論吾嘗聆。瞻言詠斯篇，一寄思古情。

會合詩一首贈劉孟容郭伯琛（咸豐五年秋月南康舟次）

東風吹片雲，嘉客來千里。喘如竹筒吹，腐公蹙然喜。朋僚雜迎笑，吾亦倒吾屣。各自敬其魂，告曰某在此。傾衾語晨夜，爛漫不知止。上言離別長，歲月弦脫矢。下言兵事殷，成敗真夢耳。江漢天下雄，三年宅蛇豕。王師有蹶踏，戈船照清泚。掀浪煮龍鬚，洪濤紫爲斬。長驅下斬黃，鐵鎖沈江底。羣龍水中生，怒螳車下死。英英塔與羅，威名聳南紀。倚嘯灑廬間，天戈欲東指。人事有變遷，由來不可擬。鬼火夜灼天，壞雲壓高壘。龍驤付一炬，韓壁僅可抵。偕行竟無衣，存足乃無履。夜半肌腸鳴，大聲震江水。腐公不知羞，恬然矜爪觜。謂言多難時，從來福所倚。在莒義不忘，圖南風漸起。稍稍召驚魂，時哉可歸矣。世論自悠悠，冰腐生瘡瘡。困窮念本根，風雨思君子。艱難復相逢，得非天所社。回首廿年前，志亢聲亦侈。憂患閱千變，返聽觀無始。老夫苦多須，須多老可鄙。二子苦無髡，無髡亦可恥。自乏諧俗韻，不關年與齒。貞松無春競，歲晏行可俟。作詩誌會合，亦用砭蘘菴。

王母方太夫人詩

凡響無異材，爨餘得佳桐。衆競卉春華，歲寒彰貞松。坤德无咎譽，非儀兩不蒙。煒然遘閔凶，高義古所崇。中材

利行之，綽楔留芳蹤。卓哉賢母德，激烈乃過中。別嫌謹錙銖，年高茲益恭。至性無矯揉，情摯超凡庸。無所爲而爲，乃與神明通。有孫立朝端，蹇蹇蓋匪躬。乃知玉泉流，璇源已冲瀾。白嶽黃山間，靈氣鬱蔥蔥。明靈永不泯，奕世揚休風。

贈李眉生

倦翮復南翔，重眺鍾阜煙。舊遊多環萃，羣卉正芳鮮。謂可擴吾襟，孤懷乃悄然。非材竊祿位，俯仰慚高天。術業一也成，浩浩送流年。熾情常廢事，識閫或蔽賢。多病無安食，多悔少佳眠。無德居高明，衆鬼瞰瑕罅。無學臻衰耄，但爲時所鑄。誰言所遇順，撫衰百慮煎。勤子來存訪，至論探九淵。鬱塞乃過我，神困難爲妍。人世多乖忤，圓一缺常干。羲娥驅童卯，舉世惜華顛。天命誠足畏，愁思且當捐。

青松生危巖，獨立向清昶。風韶戛韶成，交柯蟠龍象。逸氣干層霄，瀟灑謝塵埃。廟廊構瓌材，羣工共嗟賞。虹梁皎朱曦，天門信蕩蕩。豈知咫尺間，歧路多迴枉。挽來不能寸，推去或千丈。託根倚峻巖，植基固不廣。孤高招烈風，薄俗寧足仗。蒼穹富雨露，百昌日夜長。大鈞一轉旋，悱惻神所獎。聊究莊生旨，齊物尋影響。行止皆有待，還以咨罔兩。

題俞蔭甫羣經平議諸子平議後

聖祖曠千禩，微言久歇絕。六籍出燔餘，諸老抱殘缺。尙賴故訓存，歷世循舊轍。從宋洎有明，軌塗稍歧別。皇朝襲四術，衆賢互標揭。顧閩啓前旌，江戴紹休烈。迭興段與錢，王氏尤奇傑。大儒起淮海，父子相研究。謂高郵王

懷神先生念孫及其子文簡公引之。子史及羣經，立訓堅於鐵。審音明假借，王氏精於古音，謂字義多從音出，經籍多假借字，皆古音本同也。課虛釋癥結，王氏每於句調相同者，取彼釋此，謂之句例，又戒不時增字以釋經，皆係從虛處領會。旁證通百泉，清辭皎初雪。王氏立訓必有確據，每譏昔人望文生訓，或一字而引數十證，其反覆證明乃通者，必曲暢其說，使人易曉。九原如有知，前聖應心折。俞君一何偉，躔步追巖哲。盡發高郵奧，擔囊破其鑑。君昔趨承明，鳳鸞與頑頡。軺車騁嵩洛，康衢誤一跌。子雲宦不達，草元更折節。文園芟天葩，經神供清醴。脗言頗舐排，諸子亦梳抉。復從羣賢後，森然立縣蕤。嗟余老無成，撫衷恆惓惓。閱才不薦達，商位徒久竊。茲編落吾手，吟覽安可輟。

訓王王秋徐州見贈之作

戒徒事秋蒐，理權及淮甸。塵埃正紛拏，邇迓接英彥。乖離七易霜，天遣更相見。後車攜嘉客，同馳彭城傳。滄澗素襟，名論迴深眷。自云尋絕學，颺軌約三變。僑居蒸水陽，親知斷游讎。閉戶自高歌，寒宵百慮戰。羣聖下窺瞰，憂喜相慶唁。盡挾諸經心，始知老儒賤。探篋出新編，照座光如電。說易燭大幽，箋書祛衆眩。旁及莊生旨，抵巇發英阿。大雅久不作，小知各自銜。漢宋互嘲譏，餘炎更相煽。遲君紹微言，豪芒辨素絢。高揭姬孔情，洪濤滅積霰。湖湘增景光，老懷亦忻忭。

附枝求詩二首

善莫大於怒，德莫凶於妒。妒者妾婦行，瑣瑣奚比數？已拙忌人能，已塞忌人遇；已若無事功，忌人得成務；已若

無黨援，忘人得多助；勢位苟相敵，畏信又相惡。已無好聞望，忘人文名著；已無賢子孫，忘人後嗣裕；爭名日夜奔，爭利東西驚。但期一身榮，不惜他人污。聞災或欣幸，聞禍或悅豫，間渠何以然。不自知其故，爾室神來格，高明鬼所顧。天道常好還，嫉人還自誤。幽明叢詭忌，乖氣相迴互。重者裁汝躬，輕亦滅汝社。我今告後生，悚然大覺悟。終身讓人道，曾不失寸步。終身祝人善，曾不損尺布。消除嫉妒心，普天零甘露。家家獲吉祥，我亦無恐怖。——（右不悅）

知足天地寬，貪得宇宙隘。豈無過人姿，多欲爲患害。在約每思豐，居困常求泰。富求千乘車，貴求萬釘帶。未得求速償，既得求勿壞。芬馨比菽蘭，磐固方秦岱。求榮不知壓，志亢神愈怏。歲復有時寒，日明有時晦。時來多善緣，運去生災怪。諸福不可期，百殃紛來會。片言動招尤，舉足便有礙。戚戚抱殷憂，精爽日凋瘵。矯首望八荒，乾坤一何大。安榮無遠欣，患難無遠愁。君看十人中，八九無倚賴。人窮多過我，我窮猶可耐。而况處夷塗，奚事生嗟憤。於世少所求，倚仰有餘快。侯命堪終古，曾不願乎外。——（右不求）

七言古

謝疊山賣卜研爲劉太守題

青花一片瑩寒泉，中有數魄鑿蒼天。大宋河山滄桑改，孤臣心事金石堅。當年賣卜建陽市，麻衣血洗流成淵。吞炭不復容三擊，下簾何曾索一錢。桐父宋父弔鶴鶴，東川西川泣杜鵑。豈知歷劫冰霜後，尙留人世文字緣。辰陽太守亦可憐，老抱石兄喜欲顛。三年膜拜憫忠寺，萬里攜將書畫船。書生癡絕例如此，稱先道古口流涎。不如藥築兩忘去，日摩頑石支頭眠。

送凌九歸

白日杲杲黃埃飛，君胡少住遽言歸？萬族由來各有託，借問君心何處著！自言暫歸奉晨昏，溫席不暖還出門；丈夫生世會有適，安能側身自踟躕？南箕北斗徒虛名，東走西顧知何益。磬折已覺素心遠，璞獻況逢俗眼白。要將萬舞誇輝光，肯爲兩言求恩澤。皇天界我非不豐，平生長策能固窮。一飽那爭雞鶩食，萬事從付馬牛風。君家才望人所豔，兄弟縱爭兩龍劍。霜蹄蹙蹙教長板，蹶雲藻終向天庭拔。卽今歸去慎勿稽，歲時努力謀鹽齋。綵衣好娛老萊母，推髻尙有梁鴻妻。我亦屢尋還鄉夢，年年送人頗自諷。送君無酒爲君歌，楊花如海奈愁何！

送楊春皆歸

去年同送蕭郎歸，心如風幡亂掀簸。今君告歸亦何遽，臨別無言但兀坐！君才捷敏非常儔，早時羣書讀已破。堆案細字如毫毛，擲筆新詩成咳唾。揚來燕市騁逸足，聊隨鴛鴦爭芻莖。出門百錢買犢車，入戶一編旋蟻磨。虛牝擲金古所悲，五年長安竟坎坳。剖瓠作尊何所容，種柏傍石終不大。首途雖舛心愈雄，懷寶空奇時難貨。嗟余昏懦百無能，與世趨趨動得過。忽逢良友相鑄磨，有似酒狂得史佐。隔日一見歡未闌，鼓缶鳴箏唱復和。削除蠹髓得平夷，厭見俗氛揚堀堞。可憐俠氣干層雲，時有忠言驚四座。一麾從此悵分離，萬事何當付嬾惰。方今廊廟構羣材，搜林剔穴行可賀。看君形容不易凋，願此芒刃豈終挫。明年仍騎瘦馬來，滿面還受緇塵灑。

題毛西垣詩集後卽送之歸巴陵五首

伐木截兩端，半作機尊半溝壑。南鄰北里輕薄兒，昨日薰騰今冷落。巨屨小屨天所區，焉能屑屠齊美惡。勸君把酒持雙螯，百年爛醉拚嬉遨。不學陋儒談狗曲，修禠整巾徒碌碌。

歐君（岑小）昔言鄉國彥，汝與吳生（屏南）皆狂狷。看汝織古得新機，惜哉弋時無急箭。獨抱質缶辭雕鵠，世人皆憎我獨羨。金盤銀醖有時灰，得不垂顧餅與蠡。

朝誦幽通賦，夕吟顯志篇。咄哉此子頗聞道，煩毒迷惑劇可憐。古來騷人都如此，君亦苦語相糾纏。日月滿灑百壑蘇，老抱幽憂胡爲乎！

長羨江頭白髮翁，扁舟如瓦飄西東。船頭得魚船尾賣，稗子怡笑老婦豐。王稅早輸百無事，從古不遇打頭風。君家正臨洞庭水，一飽弄舟樂何底，舍此他求真左矣！

我生乾坤一贅人，逐衆轉徒如飛蚊。袞袞囊省無相識，紛紛時事了不聞。門外車馬何隱轢，獨立階下看浮雲。君今歸哉渺千里，我方塵土無窮已。

題顧南雅先生畫梅應何子貞

詩老餐冰我更臞，傾身謀醉一錢無。忽然嚼梅供大噉，笑吐滿紙森模糊。當時酒徒相饋餉，（本寫贈張淵父子，真從張乞得）至今遺墨何清脫。平陵公子亦好事，巧偷豪奪無罪辜。時將巨障補空壁，已覺暗香來座隅。長安一雪寒切膚，冷官瑟縮同圍爐。開眼忽到西湖上，四更殘月孤山孤。我聞繪事通草隸，此語自古誰云誣。何君作書妙天下，生吞百虎心膽麤。世人只解傳梘蠟，獨能養氣真吾徒。莫言書畫直小道，不到聖處甯堪娛。吁嗟詩老不可作，君雜抱此徒區區。

傲奴

君不見蕭郎老僕如家雞，十年管楚心不攜。君不見卓氏雄資冠西蜀，願使千人百人伏。今我何爲獨不然？胸中無學手無錢，平生意氣自許顛。誰知傲奴乃過我，昨者一語天地睽。公然對面相勃谿，傲奴誹我未賢聖。我坐傲奴小不敬，拂衣一去何翩翾。可憐傲骨撐青天，噫嘻乎傲奴安得好風吹。汝未門權要地看汝倉皇換骨生百媚。

瑣瑣行戲簡何子敬乞醃菜

瑣瑣復瑣瑣，謀道謀食無一可。大人天矯如神龍，細人局蹐如螺贏。皇皇百計營齋鹽，世間齷齪誰似我。既不學虎頭食肉飛將軍，又不能駝峯犀筋醉紅裙。長將野蔬說奇錯，春筍秋芋評紛紛。（吾鄉芋最美。）拙妻嘲訕婢子笑，可憐先生了不聞。苦思鄉國千里月，夢想牀頭一瓿雲。君家醃菜天下知，忍不乞我賑朝饑。丈夫豈當判畛域，仁者況可懷鄙私。炯炯予心天所許，堂堂此理君莫疑。忽憶條侯理入口，黃頭銅山竟僵陪。功高七國安如山，錢布九洲浩如藪。當時鼎烹會親賓，後日饑腸作牛吼。今我與子俱不材，懷抱傾筐倒篋開。取與廉惠兩無猜，青天白日森昭回。不醉不飽胡爲哉。

反長歌行

（馮樹堂三十初度，有汲汲顧影之憂，故爲詩以廣之。得失靡常，驚名無極，繁稱雜奏，歸之於正道云。）

羲和驅日如驅豕，鞭之不行汗流漉。頃刻奔馳過百年，老盡世人渠獨喜。渠獨喜，我寧愁，已拚一老百無恥。馮

夫子，我歌君莫鄙。柏梁銅爵安在哉？盜跖唐堯俱朽矣。寒翁得馬知何祥，威毅亡羊定誰是。平原轉眼成嵩邱，華屋隔宵生荆杞。上蔡黃狗空歎嗟，洛陽銅駝百遷徙。萬事支離那可論，吾生得失亦如此。卻笑張毅空飾文，更憐單豹強治裏。修衷修禱皆虛名，老向人前矜爪鬣。君看從古軒赫人，一半名場夸毗子。今晨令問傾王侯，明日枯嚙飽蝻蠹。銘功誅德千萬言，可信人間有真史。馮夫子我歌君且起，君今三十胡皇皇，浮名驅君不自止。頌嗟短景難少延，便得長春寧足恃。世間自有清淨業，日往月來了無累。人迹不到禽不來，萬年廢井養秋水。

題畫梅三首應田敬堂同年

粉紅生綃一尺半，描金蘭葉光爛爛。不知誰氏書畫船，遺作君家錦繡段。時棄時取了無憑，花若有情花亦歎。有客對此三洗吟，一夜魂飛洞庭深。故鄉衛杜知我心。

洛陽三月天如銀，楊花浩浩愁殺人。美人璇閣弄鸚鵡，傷心不敢當青春。獨對盆蘭訴幽怨，再拜且爲花寫真。腕輕著花只嫌瘦，劍重放葉難爲伸。簾外雙雙蛺蝶舞，羨汝自在好要身。擱筆下階傍花立，臨風三嗅馨香泣。田郎田郎似我孀，反鎖衙門走賓館。三年啖蔗未曾甘，九畹蕪蘭行復滿。不願舉國揚芬芳，但願同心通悃款。晨書小楷眼欲花，午睡醒來日已斜。從容讀畫還煮茶。

贈何子貞前輩（以紙索子貞作字，久不見償，詩速之也。）

九嶷山水天下清，中有彥者何子貞。大謫老謀不自白，世人誰解此縱橫。八法道卑安足數，君獨好之如珉璵。終年磨墨眼不昧，終日握管意未平。自言簡筭通性道，要令天地佐平成。怡神金鯉朝吹浪，失勢怒視夜擣營。同

心古來亦有幾，俗耳乍入能無驚。可憐四十好懷抱，空使九州播書名。嗟我波瀾頗莫二，知而不爲真不智。捧心恥與時爭妍，畫足久爲聖所棄。行當就子更柱弦，可能爲吾倒篋筭。去年一諾今未償，舊迹已陳誰復記。世間萬事須眼前，須臾變態如雲煙。煩君一揮清我室，驅逐毒熱無煩煎。高堂巨壁蛟龍走，鄙夫白晝歛枕眠。

題唐鏡海先生一圖

十月戎行圖

生世不能學夔皋，裁量帝載歸甄陶。猶當下同郭與李，手提兩京還天子。三年海國困長鯨，百萬民膏餒封豕。諸公密勿旣不感，吾徒迂疏尤可恥。岱宗夫子唐太常，今日儒林有正軌。宗傳久已追廉伊，餘事猶堪作贖起。昨來我戎行圖，回首軍與今一紀。九嶷南去山連天，八排撞搖多於蝟。猿升懸伏巢穴繁，青絲白馬風塵駛。籌邊樓下雲屯營，臨賀嶺前雨注矢。先生獨出當九關，磨鍊衆心作高壘。千礮齊震雷破山，萬馬不嘶月如水。先生兀坐了不驚，秉燭從容讀書史。大儒意趣未可量，小醜蠱蒙安足齒。功成行賞不自言，羞與鴛鴦較尺咫。我覽此圖發長歌，可憐黃髮今皤髻。四海息兵無一事，先生且住安樂窩。

五原學舍圖

大兒垢膩衣短襦，小兒蓬頭語更吃。生長獠戶習繩行，不識詩書是何物。昨者縣門鼓如雷，太守如父從天來。走章馳檄到山寨，要與聲俗辨顛顛。皇天於人何厚薄，未必蠻貊皆不才。一朝得與冠裳會，青天始見雲霧開。魁結公然被儒服，笑言啞啞歡且怡。山南伐石千指碎，山北挽木萬牛回。縮版登登日復夜，取次學舍高崔嵬。五原便同石渠閣，百丈似築通天臺。銅鼓蘆笙雜弦誦，衣冠俎豆何文哉。但願使君長世世，坐看粟瓠成壞材。豈期文

翁難丈借，至今蜀國有餘哀！披圖卻憶十年事，富川風物落酒杯。方今聖人舞干羽，薄海懷柔不用武。會崇我丈比桓丁，立使殊方變鄒魯。三老五更古所尊，嗚呼此事非小補！何時虎觀擁皋比，我亦執經走廊廡。

感春六首

奉君以象白猩脣之異味，青琴碧玉之妖姬。子復漠然不我與，我今寸意當訴誰？散髮狂歌非關醉，枯株兀坐未是癡。手撮黃塵障河決，自有幻想非人知。城南海棠已爛放，牡丹如霧行離披。如此青春忍不賞，直待白髮寧可追？

今我不歡子不悅，攜手天街踏明月。西南白氣十丈長，銳頭突尾射天狼。東方狗國亦已靖，復道羣鼠舞伊涼。徵兵七千赴羌隴，威稜肅厲不可當。國家聲靈薄萬里，豈有大輅阻犀螳？立收烏合成齋粉，早晚紅旗報未央。嗚呼天意正如此，小儒不用稽災祥。

男兒讀書良不惡，乃用文章自束縛。何（子良）吳（南屏）朱（伯韓）邵（蕙西）不知羞，排日肝腎困鈍鑿。河西別駕酸到骨，者立談三距躍。老湯（海秋）語言更支離，萬兀千搖仍述作。丈夫求志動渭莘，蟲魚篆刻安足塵。賈馬杜韓無一用，豈況吾輩輕薄人？

明珠二百斛，江湖三十年。徧求名劍終不得，耳聞目見皆鈍鉛。聞道海外雙龍劍，神光夜夜燭九天。滄氣妖星不敢選，橫斬蛟鱷血流川。天子寶之無倫比，列置深殿闔風前。千金萬金買玉匣，火齊木難嵌中邊。元臣故老重文學，吐棄劍術如腥膻。如今君王亦薄恩，缺折委棄當何言？

蕩蕩青天不可上，天門雙螭勢吞象。豺狼虎豹守九關，厲齒磨牙誰敢仰？羣鳥啞啞叫紫宸，惜哉翅短難長往！

一朝孤鳳鳴雲中，震斷九州無凡響。丹心爛漫開瑤池，碧血淋漓染仙仗。要令惡鳥變音聲，坐看哀鴻同長養。上有日月照精誠，旁有鬼神瞰高朗。

太華山頂一虬松，萬齡千代無人蹤。夜半霹靂從天下，巨木飛送清渭東。橫臥江干徑十里，盤坳上有層雲封。長安梓人賊一見，天子正造咸陽宮。大斧長繩立挽致，來牛去馬填坑阱。虹梁百圍筋玉帶，螭柱萬石縱金鐘。莫言儒生終齷齪，萬一雉卵變蛟龍。

爲何大令題明趙忠毅公鐵如意

君不見天啓初載國步頻，逼泊英彥如柱薪。龍章鳳姿膏斧鑕，狐鳴梟噪騰要津。大璫滔天不足道，羣小羅拜高頭塵。執笏無因殛元惡，請劍未許梟佞臣。觥觥趙公天所鑒，年年磨鐵影隨身。世事萬端不稱意，惟有此鐵還可人。誓將輿椎擊逆豎，休教鑄錯汚君親。星光啖啖趨朝夜，霜氣稜稜拜疏晨。一回摩挲一灑淚，寸心如石腸如輪。高皇有靈尙來鑒，小臣此志何由伸。一朝荷戈西出塞，辜負白鐵悔因循。茄花枯盡委鬼滅，可憐明社亦荆榛。二百年來餘此物，萬劫不敵唯精神。世人蠢蠢寶珠玉，如君乃獲希世珍。老鐵耐寒終得主，豈有正氣長鬱湮。論君雪夜倚闌看，金精上燭撼星辰。

喜筠仙至卽題其詩集後

昌黎聖者徂不作，嗚呼吾意久寥廓。郭生近出還峻嶒，腸胃森然起邱壑。古來文士非羸廝，各有雄心戰墳索。自尋世界鍼孔中，別開九州造城郭。衰叔曹尙安可論，龔兒沿聲磨已薄。丈夫舉步驤兩龍，豈有蹇超躡人脚。我

方僵踣瘖不前，君能踐之道斯託。憶君別我東南行，挽喪牽裾事如昨。五年奔走存骨皮，龍拆硯田了無穫。時時音問相照臨，語言雖甘意緒惡。豈知今日還相逢，席地惟天共一酌。紛紛疊觸爭土疆，誰能買閒事笑謔。解顏一覲豈尋常，百歲忍如埽秋籜。衆木有知草有心，殊性異涂那可度。昨夕之炭今晨冰，轉燠回寒在絳蠶。弓影搆似公成眞，箭鋒失機毒相選。葛亮書說雖貴和，屈原平生莫量鑿。趨同造獨良難兼，撲詢納尤詎非樂。方今帝舜明四聰，朱虎夷夔并高爵。大鐘士鼓相和鳴，文字秋霜起廉鐔。號呼朋侶趨上流，聊可示強執云弱。嗟余瞽者迷嶽塵，不殖十年得毋落。欲張漢幟標新軍，要盟不從誰肯諧。獨者無倚同者羞，心之簸搖欲何著。智小謀大姬所懲，偏有狂夫百不怍。移山愚叟無日休，填海冤禽有時涸。屠龍大噉願已虛，哆口如箕且一嚼。老筠老筠子視余，謬志誕言豈堪藥。閉門引窺號五噫，欲得秋蟲鬪方略。宇宙空曠時日寬，安用出菅油火灼。忽憶元和奇嫻翁，會合聯吟兩鳴鶴。雲龍相逐終不能，海南江東各飄泊。彼之賢俊尙如斯，我今蒼頑當何若。與君辦醉千億場，誰道人間有紕錯。

六月二十八日大雨馮君樹堂周君荇農郭君筠仙方以試事困於場屋念此

殆非所堪詩以調之

黑雲壓城眞欲摧，銀河倒瀉天如漚。我巢倉皇變澤國，嗟爾三子嘻可哈。孔鸞欲爭雁鶩食，貪饕豈得逃天災。矮簷埤危小於盎，拳曲裁足容頸顛。上雨旁風忽衝突，蟄蟲有戶安能坏。脫屣漂流不可覓，筆牀茶臼何有哉。馮君枯坐但閉目，急溜酒面不曾開。周侯仰天得畫本，倚牆絕叫添喧底。郭生耐寒苦索句，飢腸內轉鳴春雷。卻笑羣兒薄心腸，瑟縮啾唧良足哀。丈夫守身要倔強，強有艱阨無愁猜。我今偃臥舒兩膝，深齋大棟何恢恢。白日軒

聲答雷雨，殘滴初歇。清夢回，甘眠美食豈非慶，又聞逸樂生禍胎。數君健強齒尚未，正可磨鍊筋與脾。明朝日晴各轉門，老罷戰罷還歸來。爲君廣沽鞭脚酒，泥污不洗且銜杯。

若農既和余詩而三子者皆見錄於有司乃復次韻

王師四出枯朽摧，築城如鐵黃土統。公然一戰收全勝，笑言啞啞何歡哈。文章有時奏奇績，不信五鬼能作災。諸君運命頗磨竭，可憐顛頓愁眉顛。年年力戰略城邑，不分上國土一坏。卻顧羣公無寸效，封侯起第何難哉。李廣旗亭遭醉罵，衛青幕府排雲開。今朝背城偶自奮，一呼振臂何轟颯。皇天亦助昆陽捷，亂飛屋瓦奔雲雷。稍雪平生三北恥，一洗往自千悲哀。但令蠶食得小補，休說雞肋生疑猜。神龍卷舒在勺水，綽綽進退真宏恢。誼士飲河但解渴，貪泉未到車先回。要將廉退式鄉國，坐看合浦還珠胎。菟裘他年儘可老，林壑休息舒脾膈。不然崇階借尺木，崢嶸富貴還鼎來。升沈變遷不可必，今日一樂聊千杯。

題明陳忠愍公雪聲堂硯爲唐觀察樹義作

人問尤物天所隘，豪奪巧偷生災怪。尙書老硯差復尤，流落君家足一快。區區石耳烏足珍，重談勝朝可深喟。金陵已被汀州摧，桂林犀王甚矣憊。書生袒褐陳老說，欲傾南溟洗兩戒。西走臨賀東珠江，剜身莫醫六州瘵。已聞餘燼飄煙埃，復道妻孥餒紐械。丈夫首斷心不懲，賤妾癡兒況足芥。袁粲狹巷猶塵槽，張巡孤城已粉壤。可憐此硯隨忠魂，未了平生文字債。文豹已斃皮尙存，笑倩後人爲爬疥。不須更道夢中緣，已覺英靈據警欵。阿翁作吏今龔黃，憐哉老樵亦翻鑕。君今撫硯勘楹書，世守橫龜敢安懈。惠然何日持示余，我見石兄或三拜。（唐君得

此硯於桂林，其尊人於清遠舟中夢陳忠愍道及之，因名所居曰夢硯齋。

題醇士前輩爲滇生師畫竹疊前韻

鎖院重深春爛漫，壁壁潭潭古所境。盡收羣彥歸樊籠，有似神駒遭繫絆。戴侯健者胸宇宏，足迹略經九州半。苦嗜書畫拚金錢，顏脫蟬貂等塗炭。錢唐天師今儒宗，藻火虎蜺賴翊贊。兩賢分吸西湖光，東壁交輝北斗燦。亦有繪事追宣和，豈徒宏文敵貞觀。頃深巨卷寫風篁，欲學湖州贈內翰。斷枝零葉不整齊，但覺清風拂書案。試院經今五百年，文字何止千牛汗。前水後水但東之，萬事悠悠良可歎。獨有名墨長流傳，壽世不隨星霜換。故知雨露潤李桃，不嬌風雲生肘腕。我今老硯久荒蕪，國史拋如秋籜亂。外文內節兩無稱，蝨蝨班行誰比算。誓將歸牧竹石間，不管世途有陵岸。戴侯畫牛有家法，何不試筆一按尚書早。兆調變幾，我亦願歌南山粲。

訓岷樵

市塵交態角一闕，朝爲沸湯莫冰凍。江侯爾豈今世人，要須羊左與伯仲。漢上鄒生猿者徒，臥病長安極屢空。
（謂鄒柳谿）導養離章三彭仇，惡識欲尋二豎夢。君獨仁之相掖攜，心獻厥誠匪貌覓。役能令賤者羞感，物頗爲時人時誦。丈夫智勇彌九州，守愚常抱漢陰甕。不學世上輕薄兒，巧笑人前事機昔。弄我持此語，馮生（謂樹棠）沈飲深觥豈辭痛。郭生酒後猶激昂，（謂篤仙）往往新篇發嘲諷。君今勁節盤高秋，况有詩句驚萬蓋。喜雨一章已奇恢，猶嫌伏轡受羈韉。頃來覓我珍瓊瑤，韜以錦囊無殺縫。我今塵海久淪胥，方寸迷濛足霧霧。乃知貧賤真可歡，富貴糜身百無用。因君寄語談天客，狂夫小言或微中。但教毛羽垂九天，未要好風遽吹送。

鄒與愚字柳谿，新化人，客居陝西興安。道光庚子舉陝西鄉試，家酷貧而自守嚴，不苟取。今年大病，京師不得與禮部試。醫藥雜役，皆眠樵躬之。急難之誼，吾見亦罕。予既爲此詩，後十日而與愚死。予與眠樵及與愚之族兄子律三人者爲經紀。其後事秩然，可以無悔。將以七月歸其喪興安。眠樵蓋有終始者。子律字春生，亦篤士。六月十二日附記。

移居偶成

前人栽藤後人看，我年於藤未及半。前人種竹青成林，舞影窗月清我心。况有了香海棠樹，堆砌牡丹亂無數。霜風但遣枯枝立，春光猶遲隔年度。獨立何必念芳菲，正肅氣與天地遇。此身今古如脫屣，人得人弓等閒耳。冰霜百物半摧藏，掃除一室吾安事。轉眼花開春事新，四座唯延澹蕩人。讀書養性聊爲樂，日可招要梅子真。

陳慶覃詩鈔題辭二首

魏王大瓠號豐碩，酌水盛漿百不適。丈夫身手豈不良，沈沒詩篇真可惜。膠膠道古無一符，畫脂工夫竟何益。我昔鏤肝好苦言，今來百憂頗冰釋。誓將輟軫收哀不，彈唱君家行路難。近聞西蜀甚陸梁，驅人大邑如驅羊。羣揭竿旌過都市，廣開林藪收畔亡。新市下江頗竊發，左谿橫水還披猖。州家上名使家縱，昔我經過心繁傷。太平風塵亦如此，胡不上書達天子。

虞舜藏弓蒼梧野，我家正渡南嶽下。眼看鄉井多鬻髦，凌周郭李皆健者。何郎蒼老孫郎少，君合衆銅付一冶。楚人自古工語言，湘流到今悼屈賈。褊夫例縛文字禪，劍頭一決真粲然。周杏農，郭筠仙，李梅生，何子貞，孫之

房皆同鄉人也。

憩紅詩課戲題一詩於後

鉛山不作桐城逝，海內騷壇委寒灰。龍蟄虎潛斷吟嘯，坐令蚯蚓鳴驚雷。憩紅先生頗好事，欲拓詩國疆土恢。號召英豪執牛耳，大蒐燕冀選龍媒。走章馳檄市逼都，紛紛吟札如雲來。較量錙銖判殿最，豈有魚目還珠胎。傾身愛才劇如命，酬字金帛布成堆。達官貴人不好士，先生此舉真豪哉。嗟余楚狂百無用，長安十載餐黃埃。作碑無錢枉自若，乞米有帖長空回。臣朔飢死侏儒飽，古來顛倒何足哀。偶然塗抹爲新句，畫眉深淺乖時裁。鬢髻飄零有誰惜，錐刀角逐吁可咍。豚蹶果遂籌車祝，一笑取醉三百杯。

書朱皋亭家傳後

韓公會作董生行，坡老亦詠姚氏堂。末世文人苦孱陋，雖有行誼無由彰。徽州太守萬夫特，承明一出腰銀黃。政聲今鄰趙張右，名翰昔在崔蔡行。憶昨石渠同討論，稱引先城何琅琅。考亭絕學半庭訓，佩章奕葉仍作堂。孝經五齡誦在口，內則半編時相將。一朝老親蒙霧露，醫不能力巫難禳。妙年誠心破金石，午夜刳臂和羹湯。探丸何會讓著域，臥冰殆欲噉王祥。誰言吳穹闊且遠，小叩大應如宮商。阿爺道躬既純固，阿兒行義宜褒揚。漢家本來重孝友，薄俗尤應式靡涼。豈謂虛舟藏大壑，空教幽嶽埋寒鋒。獨留孤兒好頭角，神駒墮地不可當。逸足騰踏蓬島路，八載與我同趨蹌。昨年一麾出歙浦，南凱北渴永相望。白塔觚棱晨漠漠，黃山煙靄暮蒼蒼。懷人卻寄相思字，念祖仍徵述德章。前人艱危事栽種，後人但識嘉蔭長。卽今梗稻貢天府，莫忘老幹在冰霜。

送周文泉大令之官城武

周侯爲政知者鮮，地小褒長自不展。早華讀書如老饕，堆案徧嘗盡百醬。詞源一瀉不得休，往往巖巖雜婉孌。頻年大海泣遺珠，卅載湖南縮銅篆。本因名父求肅威，始見分符來張緬。深藏干邪匿銛銛，盡壞屏障通關健。閒官有暇自料理，時逢順風亦遷轉。由來亦令須老成，早有仁聲先流衍。東窮二酉緣嶺崖，南入九嶷踏秋巖。馬援舊愁惡氛惡，文翁新化善俗善。忍教蠻泔歎無襦，坐看撞獠來解辮。蘆笙銅鼓喧粵歌，苗婦粵童通繚繚。我亦自是湘中人，有賢不知嗟何淺。長安一見兩無猜，鉅比尋常徒睇眄。大開戶牖吐真氣，倒決江河放清辯。拘守咫尺苦自繩，我固儒酸君未免。方今要路爭騰馳，幾輩兼程獵華顯。高車大馬塵埃香，翠羽長纓腰脚軟。看君敝屣猶網繪，長是敗茵策驚蹇。行囊賸有書滿箱，公廚會恐塵生甌。此去清風入濮曹，定知甘露灑青兗。誰云廉吏不可爲，須信夷途百無舛。陽城豈畏書殿考，卓茂終當膺首選。邇聞海國還喧咋，此邦幸未近兵燹。可憐疲民困科條，有如聚蠹遭蹂躪。豈無積弊含瘡痍，聊欲爬梳愈疥癬。枯魚在轍誰能久，惡草當門要須翦。知君不薄芻蕘陳，世俗但解筍蒲餞。明朝一別各東西，愁緒多於壘大廟。

送凌十一歸長沙五首

昨日微雨送殘秋，落葉東西隨水流。世間萬事皆前定，行止遲速匪自由。謀道謀食兩無補，祇有足迹徧九州。一杯勸君且歡喜，丈夫由來輕萬里。

皇天陶鈞造萬器，甕盎餅壘巧安置。頗怪君材無不能，胸中多藏如列肆。刀光刺眼瞬不搖，小事癡騃大事智。

吁嗟世事安可知，干將補履不如錐。

蹀躞負青蠹，祝祝亦相似。眼見平地蟲高臺，縮版登登無基址。王侯將相豈有種，時來不得商進止。君歸讀書更十年，看君白日上青天。

憾我不學山中人，少小從耕拾束薪。還去朝暮對妻子，殺雞爲黍會四鄰。世事癡蠶百不識，笑置詩書如埃塵。君歸自有青塘山，築室種樹莫言艱。

如我自鏡猶可憎，非君誰復肯相偶。寂寞陋巷長叩門，三日一見開笑口。常時徒步噉塵土，偶然驅車馬如狗。君此歸去慰門閭，我今留滯當何如？

送謝果堂前輩歸江南

我昔曾讀知恥集，憾不追逐參翊期。當時小人竊國柄，狐鳴梟噪何貪饕。霍家奴子青油幘，夜半狹巷公嬉遨。一朝燒車震都市，驄馬御史真人豪。至今朝士誦遺直，言之凜凜寒生毛。先生早聞過庭訓，豈有勁幹能枉撓。謝癯泉先生名振定，爲御史時，會燒和坤家奴車，旋以他事中傷落職。嘉慶四年起復，爲禮部主事。今上嘗呼果堂爲燒車御史之子。廿年作吏，領畿赤，王事何曾怨賢勞？爲憐疲民困蹂躪，親撫積瘵勤爬搔。豫州豐碑吾所見，德政猶傳萬口牢。復聞巴夔醜結惡，十載邊陲苦繹騷。先生手草諭蜀檄，剖巢熏穴馳驍號。殺賊自是書生事，成功屢蒙聖人褒。果堂討平四川夷匪，賞戴花翎。陳立餘威，檣虺冉，文翁雅化，蒸鬻鬣。方今時俗忌博譽，傲傲萬衆餽醜糴。卻笑先生抱古調，肯隨里耳同喧嘈。誰言夷途百無舛，未免奇數時一遭。大江東下日滔滔，濁水沈珠不可撈。使看一去萬人哭，牽衣遮道何嗷嗷。蛾眉謠詠古所惜，坐使斧柯終倒操。竭來長安談舊事，磨礱圭

角深自韜。削如太華立千仞，絕頂秋傘下平臬。始知老輩尙矯節，堪晒薄俗徒塵囂。嗟余昏頑大無識，隨人俯仰如枯槁。頻蒙美言藥狂瘖，須臾便達肯與膏。昨者告別驚何遽，歸心已似風中旄。逝將買山學耕釣，行且築室誅蓬蒿。世事癡聾不復問，典衣取酒樂陶陶。天空地闊網羅少，黃鶴一舉何其高。紛紛燕雀非吾曹！

題王少鶴彭砧課讀圖

破屋荒園陰雨候，桐樹清陰向人覆。鱗鱗危巢鳥哺鷺，風窗瑟瑟鏡如豆。砧聲清切姊心悲，書聲函胡姊淚垂。天乎汝此不自力，豈惟乃姊摧肝臆。二親魂魄長鳴嗚，躍馬天街得路回。龍鍾老疾姊顏開，一笑迎門雪雙涕。此日當時互悲喜，當時荒園姊攜弟。此日安孺弟迎姊，鳳詔輝輝賁下泉。柳江春色煥雲煙，長途珍重難爲別。願且無忘在莒年。

丙午初冬寓居報國寺賦詩五首

閉門百慮叢憂煎，出門葛蔓相糾纏。苦被塵埃縛欲死，脫身來此親僧旌。老松大槐遮四徑，日月爲我生光妍。道人龍鍾五十七，黝深碧眼珍珠圓。烹茶煮餅時勤我，亦有山果堆初筵。麤駝對座不相管，兩家各有無言禪。泉蘗稷契非吾事，休囚饑飽付皇天。

去年肺熱苦吟呻，今年耳聾百不聞。吾生卅六未全老，蒲柳已與西風隣。念我識字殊珍少，淺思詎足燔精神。忽憶軒頰初考文，羣鬼嚇夜天裂晨。斯高揚馬並姦怪，召陵祭酒尤絕倫。段生晚出吾最許，勢與二徐爭响隣。惜哉數子琢肝腎，鑿破醇古趨暮囂。書史不是養生物，雕錢例少牢強身。我今日飲婆娑尙不樂，嗟爾皓首魚蟲人！

長安十月飛繁霜，西風落葉哀金商。道場隙地一千畝，頽垣破礎凄荒荒。壞塔跛陀野狐噪，華楹漫漶飢鼠忙。憶昔憲皇興作日，飛樓湧殿何巍昂。外家恩澤敵田寶，祖師勢要凌侯王。三百年來變陵谷，龍象孱弱鼯鼯狂。毗盧闍子今安在？向時鐵鳳蟠穹蒼。銅駝荆棘古所歎，今我何爲獨旁皇。鼻涕垂頤不須管，況問人世滄興桑。

俗儒關雉亂鳴，亭林老子初金聲。昌平山水委灰燼，可憐孤臣淚縱橫。東西南北轍迹遍，斷柯缺斧終無成。獨有文書巨眼在，北斗麗天萬古明。聲音上溯三皇始，地志欲掩四子名。丈夫立言要須爾，擊蕩拊缶足鳴嗟。余屏退昏庸百不力，付與四海劉傳瑩！

劉郎三十甘蒿菜，荷篠著書真豪哉。章生辭我還鄉國，東遊章貢噉紅埃。跌宕江山要詩句，傾倒懷抱須尊罍。此間頗似酺池寺，但少晁張蛩然來。朝飢夕渴不可解，安得銀潢倒落注金杯。

訓李生二首

一別李生今四載，我有情懷浩如海。白日西下江水東，嗟余與女不相逢。念女春秋正壯大，勳名邂逅能鼎鑪。三年五年伏不出，鏡中便恐改昔容。丈夫自謀要深遠，求田莫問陳元龍。深山窮谷霜鏑老，何人拂拭青芙蓉。曳尾不羨宗祐龜，孤豚不慕太廟犧。我今等閒爲世用，自憐骯髒百不宜。海國波濤一萬里，天吳罔象相娛嬉。聖主宵衣事展轉，小臣屏薄何能爲。胸中不辨管與樂，囊中嘗少褻與羞。朝歛夕噫不自得，俛首長誦梁詩。孫生粲粲如刻若，玉立偕女雙瓊瑤。同作二喬好夫婿，盛年咳唾干雲霄。蜀山嵯峨蜀江闊，終有畸士光斗杓。文章不是救時物，揚雄司馬烏足驕。男兒萬事須嘗膽，詎肯僂倖呼虛臬。女曹報國好身手，看我跼蹐已老醜。

次韻戴醇士邵蕙西見過

去年城南臥古剎，高秋萬葉聲鳴戛。病中強哦七字詩，欲調苦腸變甘滑。樞府先生辱相和，神鬼雕鑄何筌黠。鏗除險語歸溫柔，痛與鄙人砭苗軋。我時鄉夢正南飛，欲促歸裝理脂盞。竒立偉句不能報，自慚久暗藝與藝。豈期歲序遶周遭，西風蕭蕭又愁殺。東烏西兔老鞭笞，鏡裏催人雙鬢鬢。二賢忽來曠我懷，高論邱索窮九八。但得尊前賭歡笑，遑冀身後誰識察。紛紛人海縛簪纓，汨汨天刑被髡惶。何時卻隨兩閒鷗，摩空一盤萬里鶴。

題平谷山莊圖

十年京國蹋朝鼓，九陌黃塵塞肝腑。已分喧囂儕市估，忽夢歸去釣湘煙。洞庭八月水如天，沙鷗與我抵足眠。醒來依舊馬嘶櫂，車聲隆隆震牆壁。始知樊籠困羽翼，開圖對此好谿山。萬重雲冰一僧閒，清輝照我塵裏顏。何日飄然絳芒屨，往尋盤山松下路。買鄰來傍羊求住。

題王麓屏扁舟歸養圖二首

治風融日作好春，吾子嘉遯逢茲晨。長安高蓋擁衛術，住者牛毛去者鱗。平明趨衙莫退舍，日日人前伺喜瞋。誰識扁舟五湖外，尙有朝士梅子真。

澗水之頭資江尾，十年同遠桑與梓。君去芒屨踏萬山，谷鳥崖花各歡喜。白頭老母迎門笑，傾身一拜兒歸矣。我今濡尼不知還，援鶴息壤猶在彼。

書嚴太守大關賑糶詩後

去年河北哀鴻嗷，千里剝地境無毛。蠶性瘞圭百不應，妻兒鬻食夫遁逃。吾皇慘惻軫飢溺，銀潢下灌傾恩膏。詔發內儲一百萬，拯置衽席蘇號咷。頗聞洪波有滲漏，蝨賊難防宵役饕。令我苦思循良吏，部勒仁政明秋毫。麗江太守今召父，嗅咻赤子歸甄陶。政成蠻犵罷歌舞，跌宕滇海窮時騷。竭來金門謁帝座，一編示我何桀鷩。賑糶兩章尤警絕，風格欲與次山爭旌旄。大夫出疆得專擅，汲黯發粟史所褒。叔世議賑非細事，走章馳檄相訾贅。州家申求使家阻，民册吏牘如山高。君能奮身拯水火，一破積習萬口牢。畫脂不是壯夫業，詩外有事真賢豪。安得九州徧公等，撫摩萬衆離煎熬。作歌聊用勸來哲，下考莫晒陽城勞。

送黎樾喬侍御南歸

驄馬蹀躞行如飛，幡然下馬賦歸去。諫草上付九重天，扁舟洪指三湘路。先生素志在湖海，復欲蒼生歸陶鑄。十年風緇虎觀書，六載霜冷烏臺樹。滄海鯨鯢浪正高，洪河蛟蜃秋尤怒。杜老窮年憂黎元，賈生伏闕陳時務。虞廷自有龍夔在，朝士誰結巢由慕。長安風寒秋氣高，離筵酒暖日色暮。其因去國惜歐九，私喜見幾繼疏傳。昭山樹古霜逾瘦，洞庭水深寒可渡。定將蹤迹溷漁樵，猶有耕桑酬雨露。他年拂衣我歸來，爲訪先生嘉遯處。

題張石舟煙雨歸耕圖

靖陽老翁飢不死，四十年來噉書史。一朝悔悟思改弦，萬卷書拋如脫蹤。高車大馬謝羣兒，草服黃冠吾歸矣！朋知聚處頗相怪，問翁生涯欲何似。東阡南陌一毛無，四海九州將安底。翁言少小晞皋夔，曾對老蒼矜爪觜。幾年束縛盡在筐，教輩餉濡魚乞水。中散自憐七不堪，於菟但聞三見已。閱世蠻觸多戰爭，策身咸穀無完美。逝將

巖壑躬耕桑，不受邱軻老鞭箠。軀體諒非百年物，夢魂條在千山裏。煙雨濛濛插新秧，短渠瀟瀟長鯉鮪。泥飲邨農與，酣嬉招呼黃犢同臥起。翁言未終我已躍，此身不歸神先徙。行趨神武挂衣冠，往尋谷口買里鄰。誰能皓首黃塵中，項短尻高不知恥。

太學石鼓歌

韓公不鳴老坡謝，世間神物羅寒灰。我來北雍撫石鼓，坐臥其下三徘徊。周宣秉旄奠八柱，岐陽大狩鞭風雷。四山置學市天布，羣后冠帶如雲來。東征北伐盪羶穢，方召嘽嘽何雄哉。銘功鐫石告無極，欲鎮后土康八垓。自從七國戰龍虎，荒荒王迹淪蒿萊。嬴顛劉蹶六代湧，把酒但勸長星杯。陳倉流落一千載，霜鑿日剝空黃埃。國子先生老好事，欲比鄒鼎珍瓊瑰。東都相公守右輔，始舁沼泮剗蒼苔。五季蠲蟻頗星散，司馬刺史初重恢。是時十鼓嗟失一，拋棄不辨何山隈。博滌民間得異白，秦關復贖連城回。宣和天子嚮儒雅，太清書畫干雲堆。詔移此石歸泮水，圍橋觀聽何轟隱。行填字鉤發光怪，照耀艮岳金碧開。豈知六龍卒北狩，法物曾不讓凶災。高車大牛輦萬貨，填坑咽谷驚三才。是鼓蒼黃亦北徙，重器始此蟠燕臺。道園詩翁主太學，與舉百廢扶傾頽。中門兩楹與位置，華楹大棟增嵬崔。承以磚堦護以檻，清陰四幕連疏槐。邇來春秋閱五百，光氣夜夜騰斗魁。聖清文明邁巢簷，榜抉書契窮根蓂。從臣技能半史籀，別作新鼓相追陪。小儒昏鈍無所識，得從槭模備條枚。細思物理窮顯晦，茫茫人事不可推。作歌聊繼二公後，不羞鴛鴦隨龍媒。

題朱伯韓侍御之尊人詩卷手蹟

異時河內初陸梁，誰其禦者朱與強。強公身死翦妖黨，殊恩稠疊旌國殤。朱公守墨一黑子，遮蔽懷衛如苞桑。時逾歲邁三十載，事過頗憶張睢陽。吾皇繼序錄勳伐，詔祀名宦褒忠良。流芬遠韻不可竅，遺墨始此瞻暉光。詩律欲傳杜宗武，風徽略近元漫郎。公家克師吾所友，向人繕繕好肝腸。往時嬌養比苕玉，今日柯條還老蒼。諫章九門攝虎豹，文事四海知班揚。阿季行能亦超越，輕收科第如掇筐。永慰老翁山下魄，九原一笑能軒昂。近聞汴州亦大地，千里滌滌無罌糧。折骸易子都窮盡，公之舊部亦流亡。河北枯髻相枕藉，關西寇盜仍披猖。安得如結且千疋，散布都邑蘇痍傷。摩挲此卷三太息，聊表先正諒方將。

題答篋谷圖

我家湘上高峯山，茅屋修行一萬竿。春雨晨鋤玉版，秋風夜館鳴琅玕。自來京華曬車馬，滿腔俗惡不可刪。洞庭天地一大物，一從北渡遂不還。苦憶故鄉好林壑，夢想此君無由攀。嗟君與我同里社，誤脫野服充朝班。一別簪篋謝援鶴，十年臺省翔鷓鴣。魚須文笏豈不好，卻思鄉井長三歎。錢塘畫師天所縱，手割湘雲落此間。風枝雨葉戰寒碧，明窗大几生虛瀾。簿書塵埃不稱意，得此亦足鐫疏頑。還君此畫與君約，一月更借十回看。

答李生

我年廿四登鄉貢，始與劉蓉相追陪。延津雙劍忽會合，深夜挂壁鳴風雷。勳名自謂凌管樂，文采何曾怯郗綏。豈知羲和鞭日月，頭上光陰火急催。老劉偃蹇不稱意，酸寒一衿初受裁。我雖置身霄漢上，器小僅儕餅與壘。立朝本非汲黯節，媚世又無張禹才。似驢非驢馬非馬，自憎形影良可哈。中天廣殿纔雲開，飛霧結構要羣材。倦眼

相徧天下士，焉知吾國有顏回。幸生年少風骨峻，驍騰汗血龍所胎。平地一朝能九仞，欲與老劉爭崔嵬。萬里辭家來從我，如金受冶玉受鑄。斷輪祇有一心喻，獻璞翻爲兩足災。世上升沈日千變，得失於我何有哉。朝來告別問何往，迎婦塞外洞高深。長安自是別離海，新婚便作錦繡堆。離情吉語雙愉快，新詩妙句千瓊瑰。我有一言生聽取，冰蘗乃爲福之媒。富貴綺羅遭鬼瞰，憂患可以堅筋骸。陳平終非貧賤客，王章莫忘辛苦懷。邊關十月雪黏天，勸生爲我盡一杯。

題唐本說文木部應莫邵亭孝廉

插架森森多於筍，世上何曾見唐本。莫君一卷殊瓌奇，傳寫云自元和時。問君此卷有何珍，流傳顯晦經幾人。君言是物少微識，殘牋黯黯不能神。豪家但知貴錦袞，陋巷誰復憐綦巾。黟縣令君持贈我，始吐光怪干星辰。許書劣存二百字，古鏡一掃千年塵。篆文已與流俗殊，解說尤令耳目新。乾嘉老儒耽蒼雅，東南巖段並絕倫。就中一字百探討，詰難遽起何斷斷。暗與此本相符契，古轍正合今時輪。乃知二徐尙鹵莽，詒誤幾輩空因循。我聞此言神一快，有如枯柳措馬疥。我昔趨朝陪庶尹，頗究六書醫頑蠢。四海干戈驅迫忙，十年髀肉消磨盡。卻思南閣老祭酒，舊學於我復何有。安得普天息撻槍，歸去閉戶注凡將。

贈吳南屏

春霖飄沓天如蕩，大麥菸邑小麥摧。愁顏彌月何曾破，故人飛權從天來。與君握別纔幾日，已生新火十瓚槐。當時洞庭酬別酒，乾坤戰伐正喧感。沉湘義軍參差起，十事欲成九事乖。英豪半藏蜀國血，大地徧種秦時灰。卽

今南紀風塵靖，亂後遺黎多告災。荒村有骨餉狐貉，沃土無人闢蒿萊。筋力登危血理窄，斗粟誰肯易嬰孩。三里誅求五里稅，關市或逢虎與豺。謬領大藩二千里，瘡痍不救胡爲哉。羨君高臥君山頂，吞吐湖月無愁猜。世味飽諳肱三折，長吟極望天四隕。招邀軒轅論古樂，滿殿屈氏餞餘哀。談經頗折巨儒角，手攜幅日照昏霾。翩然一葉忽東下，相見各憐雙鬢皤。甯知滄桑閱百變，復此對持掌中杯。蒼天可補河可塞，祇有好懷不易開。努力且謀千日醉，高談巢燧訖有郇。

游金山觀東坡玉帶詩

去歲歸飄拂金山，咫尺浮圖不可攀。今年又翦瓜洲渡，扶攜妙友陟孱顏。簿領叢中困桎梏，脫身一誠腰脚頑。微風蹙江衆皴靜，一抹橫吞東海寬。耽耽樓觀今安在，無情瘦石空贊沉。六飛昔臨浮玉頂，御榻霄漢千龍盤。兵火十年變陵谷，道場百畝荒榛菅。頽垣不見醜纒棟，荆扉無復獸齧環。古佛負牆滲秋雨，雛僧無食號夜寒。獨餘蘇公舊法服，腰玉片片留人間。絨佩流傳七百祀，天章褒寵同錫鞶。舊玉帶有殘缺，純廟敕內府琢玉補之。——題詩五章。我懷峨嵋老尊宿，翺翔人海如鳳鸞。揚子江頭數來往，幾回愉樂幾悲酸。北去烏臺判死別，南遷嶺表絕生還。東坡往來江上，屢過金山，惟自湖州攝入烏臺獄。及暮年，南遷惠州，兩次經過金山，尤極艱苦。磨蝎作災，醜魅壯，荆棘塞天行路難。差喜名山藏故物，長倚江月照忠肝。巴陵詩叟抱奇逸，齊盟早歆風壇騷。斂板厭束淵明帶，談經時欵子夏冠。昨來省我鍾山麓，今此東遊興未闌。扁舟更欲探甌越，誓窮人力發天慳。嗟余本志耿邱壑，霜束塵鞅無由刪。江山自佳日自富，堪笑紛紛若不閑。

五律

早起憶九弟二首

別汝經三月，音書何太難！夜長魂夢苦，人少屋廬寒。骨肉成飄泊，雲霄悔羽翰。朝朝烏鵲噪，物性固欺謾。尙餘詞賦好，隨衆頌康哉。報國羌無力，擎天別有才。寒雲迷雁影，遠道望龍媒。百尺金臺矗，看君踐蹀來。

得郭筠仙書並詩卻寄六首

展轉看書字，嗟君亦老蒼！昊天真藐藐，白日故堂堂。與子相期事，窮年恐不償。憂來聊飽食，吾壽會無央。大雅悲淪歎，斯文久不尊。至情宜倔強，吾道有籬藩。仰首呼虞舜，狂歌答屈原。自非君子性，茲意固難論。垂耳甘芻豆，儒冠信誤人。長爲羈旅客，嗟汝少年身。物極能思返，天心會好仁。鹿鳴歌旨酒，滴滴入君唇。閒閒觀物化，耿耿究時暄。誼士羞要譽，廉夫重報恩。賈憎惟片語，求福實多門。種蕙怡幽獨，歸休勿復言。昨來殊不適，日落獨登樓。西北看遼瀋，東南望海陬。蒼茫懷百代，浩蕩足千愁。畫肚思長策，嗟余肉食謀。日日懷劉子，（謂孟容）時時憶郭生。仰天忽長歎，遠屋獨巡行。雲暗乾坤隘，風來戶牖鳴。孤吟無與賞，寸憾浩縱橫。

寄弟二首

去年長已矣，來日尙云賒。身弱各相視，家貧儻有涯。鄉心無住著，望眼久昏花。寥落音書闊，多疑驛使差。咄咄延平劍，英英江夏黃。求聲方出谷，一別各他鄉。東下江河駛，南征道路長。汝儕身手健，看我鬢毛蒼。（黃

子壽彭年後起之秀，予嘗命九弟與之納交。

夢裏攜予季，亭亭似我長。三年不相見，一變安可量？神駿初銜轡，牽牛肯服箱。朝朝儉芋栗，知爾足奔忙。（季弟今年十四歲。往年好食栗，煨芋，避人偷竊，頑趣可掬。）

獨出

匪直完裘好，今年故未寒。晚來還獨出，宇內一何寬！銜尾千人聚，高蹏百馬攢。天街原蕩蕩，辟路亦非難。

訪苗先麓（苗精說文之學，著書四十年，一貧如洗。今年六十無子。）

大隱東方朔，著書揚子雲。出門無所詣，落日一從君。倦鳥宜何集，閒鐙亦有羣。烹茶餘幾火，小啜愧殷勤。（苗無僕從，親煮茶敬客。）

懷劉蓉

我思竟何屬，四海一劉蓉。具眼規皇古，低頭拜老農。乾坤皆在壁，霜雪必蟠胸。他日余能訪，千山捉臥龍。

歲暮雜感十首

殘歲垂垂盡，霽塵逐逐忙。世人同一悔，匪我獨顛狂。身計嗟頻左，家山亦未忘。時猶憂世事，此志固荒唐。殺氣行南紀，溫風轉北條。陽和迴地幹，神鬼助天朝。挾纊三軍舞，層冰萬里消。不臣長俾臆，無術贊唐堯。（江

浙去年大雪，京師今歲不甚寒。

曩泉無並育，天地詎終溫。此日咸陽市，當年上蔡門。風雲悲昔遇，霜露等深恩。聞道南山木，窮冬尙負暄。壯歲耽經訓，艱難始一隅。力耕無近穫，陟古有通衢。茅塞由來久，蓬生且待扶。國讎猶未雪，何處著迂儒。四山神侶會，角逐事賡歌。日日爲詩祟，人人被墨磨。相從良可適，不樂復如何。尙有平生友，飄零在澗阿。久矣劉生隔，（孟蓉）嗟哉信爾賢。才高防作聖，情極屢逃禪。歧路多魑魅，深山足歲年。狂風能作劇，吹我墮君前。

阿弟光明者，（沉甫）愛兄心尙孩。良時無汝共，雅抱向誰開。難就陸雲業，多慚許武才。皇都寧不美，捨去竟何哉。

萬族求饒益，吾謀頗用疏。民生各心性，天道有孤虛。得俸堪加飯，無錢且買魚。逐貧思作賦，才薄欲何如。浩浩翻江海，爭奔且未闌。古來名利客，誰不到長安。獨立看參昴，橫天如此寒。肯能尋冷淡，夜夜照蒼端。爆竹家家沸，兒時此味長。追歡葺綠蠹，隨例祀黃羊。明旦夔龍集，中天日月光。八年吟舊句，回首但蒼茫。（乙未年，曾作歲喜雜感詩十首）

桂湖五首

新都桂湖，明楊升庵修撰故宅也。使旋過此，縣令張君宣亭招飲湖上，爲賦此詩。

遂別華陽國，歸程始此賒。翻然名境訪，來及夕陽斜。翠竹偃寒蛭，丹楓噪暮鴉。詞人云異代，臨水一咨嗟。短城三面繞，淺水半篙寒。鳥過穿殘日，魚行起寸瀾。秋來樓閣靜，幽處地天寬。平昔江湖性，真思老釣竿。

十里荷花海，我來吁已遲。小橋通野港，壞艇臥西陂。曲岸能藏鷺，盤渦尙戲龜。傾城遊女盛，好是采蓮時。
矮桂枝鉤裏，叢篁葉打頭。隄行皆仄徑，路斷得高樓。欄檻千迴錦，玻璃五色秋。落霞沈水底，綺散不能收。（跨水一樓名沈霞榭）

頗憶家山好，去鄉茲六年。此間行樂地，小有洞庭天。點綴須人力，招尋信妙緣。使君殊不俗，把酒意茫然。

至日二首

久行忘節序，夙莫但奔忙。茲且卽長至，我征仍未央。寒雲低樹白，邊日際山黃。時觀南來雁，飄零不作行。
海市三年舶，河源八月槎。水衝勞碩畫，漆室足咨嗟。天步方長健，民饑亦有涯。燔柴崇大禮，靈貺正來賒。

雨

稍稍車塵隔，安閒一閉門。高歌亦未輟，驟雨方此喧。宿霧依城靜，低雲入樹昏。空庭澹盛水，容易卽江邨。

送吳英樾之官浙江兼簡魏黃生大令二首

一第尋常事，服官方獨難。書生良短淺，世態自波瀾。被褐欲誰語，濫竽仍未安。無言堪汝贈，只是耐加餐。
大邑匪輕寄，斯民會可蘇。養魚防攪水，收馬合求芻。兵甲連滄海，瘡痍正道塗。樂郊枯旱久，遲子一霖濡。
魏子好心事，相從與頗賒。與君聯肺腑，棄我各天涯。烟雨黔山道，風濤海國槎。東南彌萬里，吟望一長嗟。（魏君與吳爲婚姻，選謁得貴州縣令也。）

送鄧伯昭兼簡家伯醇秀才二首

萬里西風道，艱哉信爾行。方耕無半稷，寒日耐孤征。身世嗟杭輦，文章一覆罍。平生餘意氣，未惜爲君傾。君家老癡叔，海內久詞宗。（謂湘泉廣文）歲晚餐幽菊，空山倚冷筇。我今方速謗，茲味亦非濃。他日龐公榻，來尋物外蹤。

吾宗良大雅，老矣尙巖阿。六載長乖隔，百年能幾何。高明遭鬼侮，圭璧受沙磨。動忍由來事，無爲棄斧柯。

暮過竹如

維摩元未病，子祀空復疑。薄暮還相訪，經旬繫我思。深談四壁靜，交道一鐙知。天畢看西下，來歸亦未遲。

東鄰杜氏義塾

稍得塵埃隙，來茲一散襟。喧車闕四聽，時鳥送餘音。亦有邊韶嬾，誰能季主尋。邨童休問字，剖璞方自今。

送王少鶴

待爾雙雙至，春回又一年。開尊皆舊友，發篋半新篇。荔子紅時雨，芭且綠外天。江鄉好風景，話向酒杯前。

送金竺虔之官閩中

朋好翩翮去，君今傷此行。春風一杯酒，舊雨十年情。循吏平生志，神仙薄倖名。海隅氛正惡，看汝斫長鯨。

七律

歲暮雜感十首

芒屨鎮日踏春遠，殘臘將更卻等閒；三十六旬同逝水，四千餘里說家山。緇塵已自沾京雒，羌笛何須怨玉關？爲報南來新雁到，故鄉消息在雲間。

高帽山下是儂家，歲歲年年鬪物華。老柏有情還憶我，天桃無語自開花。幾回南國思紅豆，曾記西風浣碧紗？最是故園難忘處，待鶯亭畔路三叉。

莽莽寒山匝四圍，眼穿望不到庭闈。絮飄江浦無人管，草綠湖南有夢歸。鄉思怕聽殘漏轉，逸情欲逐亂雲飛。敬從九烈神君訴，遊子於今要換衣！

去年此際賦長征，豪氣思屠大海鯨。湖上三更邀月飲，天邊萬嶺挾舟行。竟將雲夢吞如莽，未信君山割不平！偏是東皇來去易，又吹草綠滿蓬瀛。

紛紛節候儘平常，西舍東家底事忙？十二萬年都小劫，七十餘歲亦中殤！蜉蝣身世知何極？胡蝶夢魂又一場！少昊笑儂情太寡，故堆錦繡富春光。

韶華彈指總悠悠，我到人間廿五秋。自愧望洋迷學海，更無清福住糟邱。尊前瓦注曾千局，脚底紅塵卽九州。自笑此身何處著，笙歌叢裏合閒遊。

爲或爲否兩跼踖，搔首乾坤踏踏歌。萬事拚同駢拇視，浮生無奈繭絲多。頻年蹤迹隨波譎，大半光陰被墨磨。

匣裏龍泉吟不住，問予何日斫蛟螭。

舊雨曾遺尺鯉魚，經年不報意如何。自從三益睽違久，學得五君世態疏。碧樹那知離別憾，青鏡偏照故人書。

殷勤誰惜金鑪鴨，香火因緣付與渠。擬學坡公饋歲詩，花箋何處寄相思。陽和未老貂先敝，暖氣初回鳥竟知。遊子情懷隨地遠，天家雨露及時施。

小儒莫獻昇平頌，傍幸龍樓觀上儀。

琴瑟歲鼓走輕雷，竹馬兒童綵戲纒。仙仗九重圍霧住，宮花一萬鎖煙開。迷離佳氣從空繞，不斷狂香拂面來。

我比春風尤放蕩，長安日日聘龍媒。

寄郭筠仙浙江四首

一病多勞勤護惜，嗟君此別太匆匆。二三知己天涯隔，強半光陰道路中。兔走會須營窟穴，鴻飛原不計西東。

讀書識字知何益，贏得行蹤似轉蓬。

碣石逶迤起陣雲，樓船羽檄日紛紛。螳螂竟欲當車轍，鼉鼓安能抗斧斤。但解終童陳策略，已聞王歛立功勳。

如今旅夢應安穩，早絕天驕盪海氛。

無窮志願付因循，彈指人間三十春。一局揪枰虞變幻，百圍梁棟藉輪囷。蒼茫獨立時懷古，艱苦新嘗識保身。

自愧太倉糜好爵，故交數輩尙清貧。

向晚嚴霜破屋寒，娟娟纖月倚檐端。自繙行篋殷勤覓，苦索家書展轉看。宦海情懷蟬翼薄，離人心緒繭絲團。

更憐吳會飄零客，紙帳孤燈坐夜闌。

■三十二初度次日書懷

男兒三十殊非少，今我過之詎足歡？
醜醜拳餅嗟器小，酣歌鼓缶已春闌。
眼中雲物知何兆？鏡裏心情只獨看。
飽食甘泉無用處，多慚名字侶鸚鵡。

■憶弟二首

無端繞室思茫茫，明月當天萬瓦霜。
可惜良宵空兀坐，遙憐諸弟在何方？
紛紛書帙誰能展，黯黯燈花有底忙。
出戶獨吟聊忘想，孤雲斷處是家鄉。

忽憶他時襄水上，惡風半夜撼春雷。
舟人振舵聲同泣，客子扶牀面已灰。
仰荷皇天全薄命，信知浮世等經埃。
汝今歸去復何似，回首世途誠險哉！
(襄陽遇風，戊戌九月出都事，弟今年南歸亦由襄水達武昌。)

■漫興

今日今時吾在茲，我兄我弟儻相思。
微官冷似支牀石，去國情如失乳兒。
見慣浮雲渾欲語，漫成詩句未須奇。
極求名酒一千斛，盡醉王城百不知。

■聞客話里中近事

蓬萊清淺信推遷，回首鄉關事可憐。
今日朝簪陪未秩，早時社鼓舞華筵。
陳平宰國無消息，庾信辭家有歲年。

蹙蹙生涯非我里，滔滔四望極敷天。

元戎

大旆元戎喜起歌，舊時鼎鼐藉調和。豐貂長組朝金闕，駟馬瑠弓照塞河。黃閣居然元老在，蒼生竟奈此人何？
誰憐寂寞揚雄宅，獨抱繁憂臥藤蘿。

溫甫讀書城南寄示二首

年長且隱南山霧，今日始爲出岫雲。事業真如移馬磨，羽毛何得避雞羣？求珠采玉從吾好，秋菊春蘭各自芬。
嗟我蹉跎無一用，塵埃車馬日紛紛。

嶽麓東環湘水迴，長沙風物信佳哉。妙高峯上攜誰步，愛晚亭邊醉幾回。夏后功名餘片石，漢王鐘鼓撥寒灰。
知君此日沈吟地，是我當年眺覽來。

早發沔縣遇雨

此身病起百無愛，敢爲艱難一怨尤。曉霧忽飛千嶂雨，西風已作十分秋。近知地利真堪恃，早信人謀不自由。
昨日定軍山下過，蒼天一望故悠悠。

初入四川境喜晴

萬里關山睡夢中，今朝始洗眼朦朧。雲頭齊擁劍門上，峯勢欲隨江水東。楚客初來詢物俗，蜀人從古足英雄。臥龍躍馬今安在，極目天邊意未窮。

梓潼道中有懷馮樹堂陳岱雲

複障七盤相約束，清流九曲與周遭。日高旌旆鳥蛇亂，秋老爪牙鷹隼豪。北望幽燕天漠漠，東歸歲月水滔滔。江山如此知交隔，獨對菱花數二毛。

早發武連驛憶弟

朝朝整駕趁星光，細想吾生有底忙。疲馬可憐孤月照，晨雞一破萬山蒼。日歸日歸歲云暮，有弟有弟天一方。大整高崖風力勁，何當吹我送君旁。

三十三生日二首

三十餘齡似轉車，吾生泛泛信天涯。白雲望遠千山隔，黃葉催人兩鬢華。去日行藏同踏雪，迂儒事業類團沙。名山壇席都無分，欲傍青門學種瓜。

六載承明歷祕書，河東一賦又吹噓。多慚竟職無遺事，實藉文言有虛餘。白壁出山終就琢，黃金擲谷總成虛。何時卻返初衣好，歸釣蒸雞縮項魚。（蒸水去吾家十里）

苦候風塵未息機，驚駘已絡紫金鞿。詩禪入悟無三昧，世路回頭有百非。翁子少年原落拓，承宮家世本清微。

故山鷗鳥吾盟在，（謂劉大）曾記江邊各忍饑。

國土橋（趙城縣西）

亂鴉呼噪若爲情，疲馬逡巡尙欲驚；
遭遇一生容可再，艱難萬死竟無成。
至今平楚風猶勁，終古寒流意未平；
他日王孫知己感，可憐鐘室淚縱橫。

哭少時同學某

若嘗三試，有司被黜，以事牽連，爲吏胥奇辱，貧鬱以死。

少日低飛各羽翰，幾年茵溷不同看。
竟緣無食填溝壑，終古羞銜住肺肝。
蟻戰莫償三北恥，蠶僵更吐一絲難。
寡妻弱子知何倚，雪虐風饑可耐寒。

送妹夫王五歸五首

飄然棄我卽山林，野服黃冠抵萬金。
滾滾污塵得少辟，茫茫岐路一長吟。
梁鴻旅食妻孥共，蘇季貧歸憂患深。
東去大江蘆荻老，皇天颯颯正秋霖。

荆楚梗枿夾道栽，於人無忤世無猜。
豈知斤斧聯翩至，復道牛羊爛漫來。
金碧觥稜依日月，崢嶸大棟逼風雷。
回頭卻羨曲轅樸，歲歲偷閒作棄材。

高帽山下草芊綿，去國踉蹌今六年。
邴老半聞悲薤露，人間容易卽桑田。
炎雲涼雨有翻覆，舞榭歌臺況變遷。

莫訝榮枯無定態，君今猶守舊青氈。（王氏故富室，今貧矣。）

有齊季女吾弟行，操曰君家老孟光。曾是戈臯相勞饗，猶聞雛鳳已軒昂。秦嘉上計心情薄，王霸躬耕身世忘。織屨辟繻終古事，牛衣歲月即羲皇。

老弟三年困省門，寒山無律可回溫。由來分命政須爾，久信文章不足尊。南雁乖違少書信，西風牢落對乾坤。因君傳語告予季，失馬亡羊莫更論。

訓九弟四首

違離子季今三載，辛苦學詩絕可憐。王粲辭家遯多患，陸雲入洛正華年。翰驥塵裏鬢毛改，擊鼓聲中筋骨堅。門內生涯何足道，要須嘗膽報堯天。

漢家八葉耀威弧，冬幹春膠造作殊。豈謂弋鋌照京口，翻然玉帛答倭奴。故山豈識風塵事，舊德惟傳嫁娶圖。長是太平依日月，杖藜零涕說康衢。

杜韓不作蘇黃逝，今我說詩將附誰。手似五丁開石壁，心如六合一遊絲。神斤事業無凡賞，春草池塘有夢思。何日聯牀對鐙火，爲君爛醉舞仙僊。

辰君平正午君奇，屈指老沉真白眉。入世巾袍各肮髒，閉門諧謔即支離。中年例有妻孥役，識字由來教養衰。家食等閒不經意，如今飄泊在天涯。（澄侯以庚辰生，溫甫以壬午生。）

贈梅伯言二首

隘巷蕭蕭劣過車，蓬門寂寂似逃虛。爲杓不願庚桑楚，爭席誰名揚子居？
喜潑岸成新引竹，仍磨丹覆舊籬書。
長安挂眼無冠蓋，幕有文章未肯疏。
單緒真傳自皖桐，不孤當代一文雄。讀書養性原家教，績學參微況祖風。
衆妙觀如蜂厓密，獨高格似鶴鶩空。
上池我亦源頭識，可奈頻過風日中。

夜直苦寒

白虎西流朱鳥高，五更風利鷲鷲刀。勁寒戰栗通心曲，轡氣冰霜上口毛。
曠蕩青天如可對，折旋丹地敢辭勞。
頽聞交戰呵金馬，舊入鎧廬炙凍毫。

吳宮黃病中屬市鹿尾

越舫迎來手指千，屋多不畏貯風偏。華鐙鄉話初長夜，藥碗吟愁欲雪天。
陽氣眉間回病客，元精至後固崖仙。
內廚斫取殷紅色，判費西清月放錢。

臘八日夜直

翻從官宿得閒時，仙掖深深畫掩帷。靜向古人書易入，寒偏今日酒堪持。
濃饅說獻宮中佛，晴雪看分禁裏輝。
日暮武英門外望，井闌冰合柳枯垂。

失題四首

抽得閒暇鶴不如，高秋酒熟鞠黃初。便驅天駟識途馬，歸釣江鄉縮項魚。往日心情隨穀轉，今來身世似舟虛。不須更說知幾早，且喜塵緣盡剷除。

垂雨蠻煙日日催，側身周望重低徊。海濱膏血深無極，帳下笙歌自莫哀。安得賈生時痛哭，可憐楊僕本庸才。投章欲問茫茫意，何處通天尙有臺。

金堤舊潰高家堰，復道今年盛昔年。自古塵沙同浩劫，斯民塗炭豈前緣。沈江欲禱王尊壁，擊楫誰揮祖逖鞭。大厦正須梁棟柱，先生何事賦歸田。

兩度歸帆泝上流，蕭蕭落木洞庭秋。送君此去風前酒，憶我當時月夜舟。宏景舊居句曲洞，杜陵新卜浣溪頭。好栽修竹一千畝，更抵人間萬戶侯。

丁未六月七日考試漢教習試院作一首

潭潭深院鑿局牢，闕日溼雲作鬱陶。薄茗何曾解消渴，纖絲便欲穿重袍。高堂燕息尙如此，矮屋蜂屯母已勞。得失升沈紛滿眼，世間人事等牛毛。

虞廷胄子肄聲律，漢室小侯齒辟雍。銀漢支流原博大，璧門追琢要從容。師儒落落渺千載，鍼芥時時還一逢。明日鄧林斤斧入，可能涸底拔長松。

武會試圍中作

禁闥蓮漏已宵深，涼月窺人肯一臨。此地頻來從案牘，吾生何日得山林。貔貅霧隱三更肅，河漢天高萬籟沈。

火冷鑑青無個事，可憐閒殺愛才心。

送孫芝房使貴州二首

妙年作賦動明光，又策星軺赴夜郎。文采邊陲瞻泰斗，儀容寸步中宮商。沅湘過訪三閭廟，宛葉行經百戰場。定有新詩傳萬口，歸來吾與解奚囊。

六年陳迹吾能記，病骨秋風入劍關。曾洗人天清淨眼，飽看巴蜀怪奇山。君今巖壑搜羣玉，自有光芒照百蠻。不似老夫徒碌碌，崑岡一網手空還。

書邊賈石詩集後二首

鏘章琢句尋常事，激烈心情絕可憐。今日詞臣須願牧，古來豪士出幽燕。楊家忠義存三疏，孫相威名在九邊。莫藉文章追往昔，要憑肝膽報皇天。

苦憶荊州王仲宣，投簪浩蕩臥江天。三年促膝從予坐，四海低頭道子賢。北李南何各壇坫，楓青塞黑與纏綿。因君更逐停雲想，望斷襄陽落照邊。

送梅伯言歸金陵二首

金門混迹髮蒼蒼，從此孤蒲歲月長。人世正酣爭奪夢，老翁已泊水雲鄉。自繙素業衡輕重，久覺紅塵可憫傷。祇恐詩名天下滿，九州無處匿韓康。

徵君絕學冠寰瀛，又見文孫樹立宏；六葉弓裘傳柏槻，百年耆舊數宣城。緬懷仁廟虛前席，盡訪鴻儒佐太平。豈獨當時能感激，至今臣子涕縱橫。（伯言宣城人，著有柏槻山房詩文集）
文筆昌黎百世師，桐城諸老實宗之。方姚以後無孤詣，嘉道之間又一奇。碧海鼉喙鯨掣候，青山花放水流時。兩般妙境知音寡，它日曹谿付與誰？

訓李芋仙二首

巴東三峽援岷處，太白醉魂今尙存；遂有遠孫通胙饗，時吟大句擊乾坤。愛從吾黨魚忘水，厭逐人間蠹處禪。卻笑文章成底用，千篇不值一盤殮。
勁翻摩空故絕倫，吹噓曾未出風塵。細思科第定何物，卻是饑寒解困人。大道但期三洗髓，長途終遇九方甄。高秋一放脫鞵去，看汝飛騰亦有神。

次韻何廉昉太守感懷述事十六首

域中哀怨廣場開，屈宋而還第二回。幻想更無天可問，牢愁甯有地能埋。秦瓜鉤帶何人種，社稷支離幾日培。大治最憎金踊躍，那容世界有奇材。
慘澹兵戎春復秋，濁醪誰信遣千憂。戰場故鬼招新鬼，世事前漚散後漚。馳逐幾同秦失鹿，劬勞祇愧魯無鳩。何時浩蕩輕鷗去，一舸鷓夷得少休。
二月長安春始歸，觚稜回首夢魂飛。宮鶉掠日槐陰瘦，廢馬嘶風柳絮肥。東閣賜茶雙鳳闕，西郊扈蹕九龍旗。

十年苦憶鈞天奏，老大眞憐未拂衣。

滄海橫流澤有鴻，微生偶出一當熊。千艘梭織怒濤上，萬幕笳吹明月中。屠罷長鯨波尚赤，戰歸驕馬汗猶紅。誰知春晚周郎老，更與東皇乞好風。

鍾山祠廟巋然存，憑弔湖湘烈士魂。馬革裹屍男子志，鸞刀祭膽聖明恩。弓旌夜動神依戶，簫鼓春祈福滿門。萬世游人應指點，血殷篙眼古時痕。

潯陽江水接天長，良將新祠皎雪霜。半壁東南支柱石，數州士女薦馨香。竟無耆壽追充國，猶有嘉名配武鄉。匹馬寸金都謝絕，三明何必數西涼。

山縣寒儒守一經，出山姓字各芳馨。要令天下消兵氣，爭說湘中聚德星。舊雨三年精化碧，孤鐙五夜眼常青。書生自有不成量，地脈何曾獨效靈。

援鶴沙蟲道並消，難分糞壤與芳椒。昨來皖水三河變，堪痛阿房一炬焦。句踐池邊膠易醉，田橫墓上酒難澆。同袍才俊彫零盡，苟活人間只自嘲。

鶴原橫竇第三人，鶴唳華亭不復春。先軫歸元何日是，虞翻相骨本來貧。科名久滯青雲路，身手難扶赤日輪。十二萬年香不滅，從渠擣麝作灰塵。

江雪湖波路幾千，壺頭歸葬事堪憐。鑄金叩叩終何益，埋玉深深不計年。夜月一鉤涼蕙帳，春風十萬散榆錢。神靈甲馬知相助，莫遣愁人歎逝川。

濫觴初引一泓泉，流出蛟龍萬丈淵。從古精誠能破石，蓋天事業不貪錢。腐儒封拜稱詩伯，上策屯耕在硯田。巨海茫茫終得岸，誰言精衛憾難填。

幕府山頭對碧天，英英羣彥滿樽前。共扶元氣迴陽九，各放光明照大千。短季迂辛雜嘲諷，箕張牛奮總安便。獨憐何遜今漂泊，望斷寒雲暮靄邊。

薇閣藤廳淡淡紅，多君翔步五雲中。良緣彩鳳雙靈翼，慧業靈犀一點通。典郡四旬書上考，闔門八口祀昭忠。災祥誰識天公意，休向西風泣路窮！

由來忠孝易通神，豈利華切識後身。石爛海枯終有盡，生天成佛豈無人。關河庾信空蕭瑟，形影陶潛孰主賓。雞犬全家存帝所，淮南生計未全貧。

荒城風雪臥袁安，高節鴻才萬目看。懶讀司空城旦法，曾希柱後惠文冠。出山馴雉網羅密，失水神龍變化難。猶有老梅嬌蓓發，先從三界解春寒。

聖主中興邁盛周，聯翩方召并公侯。神威欲挾雷霆下，大業常同江漢流。藻火但聞山甫袞，桐廬豈有子陵裘。鶴鸞臺閣方新構，杞梓樞柅一例收。

讀吳南屏送毛西垣之卽墨長歌卽題其集

十載鄉園獨爾思，眼明今日見新詩。嘗憂大雅終將絕，豈意吾儕親此奇。木落千山初瘦削，風迴大海乍平夷。此中真意憑君會，持似旁人那得知。人間翫麟一毛生，與子交期如弟兄。忽出國門騎瘦馬，去看東海掣長鯨。放歌一吊田橫島，醜酒還臨樂毅城。併入先生詩句裏，干戈離別古今情。

五絕

讀李義山詩集

渺縣出聲響，與緩生光瑩；太息涪翁去，無人會此情。

七絕

入陝西境六絕句

西風已謝朔風逾，客子勞勞且未休。行過嘉陵三百里，飛崖絕壁又秦州。

破曉七盤山上望，回看蜀國萬峯環。英雄割據終何有，陵谷滄桑事等閒。（南棧惟七盤嶺與朝天關最高。）

亂山合處響沈沈，古洞千年海樣深。獨臥盤輿初夢覺，時聞脚底老龍吟。（兩山忽合，中如長虹，名龍洞，背下有洞，可容數千人。）

忽憶老筇吾匹儔，（謂郭大）汨羅江上苦吟秋；未成嘉會方王貢，便恐才名駕應劉。

江流日夜走荆襄，隴蜀由來四戰場。故壘無人談往事，空山有客弔斜陽。（入棨三十里爲百牢關，關以東水皆東流入沔，關以西水皆西流入嘉陵江。）

七二寒谿沒許深，邊邊茅屋隔楓林。歸人正怯征衣薄，又聽山城響暮砧。（甯羌州多山澗，病涉，俗名七十二道，脚不乾。）

題畫竹次醇士前輩韻二首

森森鳳尾一時抽，滿地孫枝翠篠稠。老幹已淩霄漢上，曲江猶自憶遨頭。
列仙不比山澤隱，碧碗瓊漿事有無。更向禪宗參玉版，花豬竹廳肯分吾。

送唐鏡海先生九首

六年高臥大江隈，萬里蒲輪驛吏催。京國諸儒齋額手，溫公新自洛陽來。
金殿從容道古今，高言字字印天心。鐘聲送出東華路，已報槐階轉午陰。
摹天繪日本難工，聖德何由測六龍。白髮老臣私贊歎，文如聖祖武高宗。
漳衛滔滔走帝都，堯封何事闕溝渠。廿年深究齊民術，一卷新呈水利書。
上相南征策衆材，軍容十萬轉風雷。書生卻進安民策，盜弄潢池事可哀。
泰岱高雲不可攀，會與霖雨在人間。如今老去神功斂，祇就君王乞放還。
道德神仙各有謀，行藏雖一事難侔。功名不數神司諫，出處羞稱李邺侯。
熙朝正學要匡扶，衆說紛紛各啓塗。歸語江南諸父老，太平天子好真儒。
粉榆後進謬升堂，習習春風杖履旁。此後追陪何日是，鏡中吾亦鬢毛蒼。

壬戌四月沅弟克復巢縣和州含山等城賦詩四首

濡須塢裏漲春波，三月鸞虬氣正和。一騎雲飛新報捷，漢家收復舊山河。
碧血家家百草腥，荒郊五夜泣神靈。將軍一掃陵陽道，便有遊人說踏青。

半壁山前鐵鎖橫，當年諸將各聲名。卽今錐鑿西梁下，益信先皇萬里明。
師淑韓公二十霜，敢將裴令並論量。諸君自有語溪筆，看取穹碑日月光。

沅甫弟四十一初度

九載艱難下百城，漫天箕口復縱橫。今朝一酌黃花酒，始與阿連慶更生。
陸雲入洛正華年，訪道尋師志頗堅。慚愧庭階春意薄，無風吹汝上青天。
幾年豪筆逐辛酸，科第厄人寸寸難。一劍須臾龍變化，誰能終古老泥蟠。
廬陵城下總雄師，主將赤心萬馬知。佳節中秋平劇寇，書生初試大功時。
月十五日克復府城。

楚尾吳頭閩戰塵，江干無土著生民。多君竈定同安郡，上感三光下百神。
(十一年八月初一日克復安慶，欽

天監奏是日四珠星聯日月合璧)

濡須已過歷陽來，無數金湯一剪開。提挈湖湘良子弟，隨風直薄雨花台。
邂逅三才發殺機，王尋百萬合重圍。昆陽一捷天人悅，誰識中軍血染衣。
平吳捷奏入甘泉，正賦周宣六月篇。生縛名王歸夜半，秦淮月畔有非煙。
河山策命冠時髦，魯衛同封異數叨。刮骨箭鏖天鏖否，可憐叔子獨賢勞。
左列鐘銘右謗書，人間隨處有乘除。低頭一拜屠羊說，萬事浮雲過太虛。
已壽斯民復壽身，拂嘆歸釣五湖春。丹誠磨鍊堪千劫，不藉良金更鑄人。

黃可餘潤沾三族，白下飢民活萬家。千里親疏齊頌禱，使君眉壽總無涯。
童穉溫溫無險巖，壯年浩浩少猜疑。與君同講養生訣，且學嬰兒中酒時。

甲子八月二十日，沅甫弟四十一生日，爲小詩十三首壽之。往在壬戌四月，沅弟克復巢縣和州含山等城，余賦詩四首。一時同人以爲聲調有似鑿歌而和之。此詩略仿其體，以徵和者。且使兒曹歌以侑觴。國藩識。



